

平

書

訂

平書訂

彝吾 李臻 稿

樊輿門人馮辰較閱

王子源日觀亡明之覆轍。心追三代之善政。博學廣問。日稽夜
營。著為平書。授予訂之。與拙見載於康忘編。學政諸帙者。大端
皆合。但予著散錄。而平書分門。遊次網舉。目張脈絡。貫通可謂
成其矣。中條件少有不合者。亦不敢以天下萬世教養之鉅。而
苟同也。因盡設己著。但附拙見於各卷後。以考正之。如左。

平書目次

分民第一

分土第二

建官第三

上中下三卷

取士第四

制田第五

武備第六

財用第七

河淮第八

刑罰第九

禮樂第十

分民第一卷目皆平

平書曰民不和則藩不加則亂分之合之政教行而民之良有

五曰工有後其賤有二曰役在官後曰笑人之士食於官農

軍授之田商工食其加工半食於官役亦食於官僕則食於主

民之類盡此矣合之奈何十家者甲甲首十甲為保有長

十保為鄉鄉之長有三夫漢三老制一曰正宣教化聽訟獄也

二曰咬課農桑治溝洫也三曰巡察盜賊修封域也五鄉立一

老以總之曰耆老即漢縣耆老統於縣庶人在官者以亦謂之

鄉官在後官與之禮在邑在野厥制同不同者邑無咬焉耳奸

民游食何容乎有則耶首誠之使歸於民不聽告之保長以誠

之不聽告之鄉正以誠之不聽則執以告之鄉官而答之務使

之

歸於民然後已。士農軍工商役有籍，無籍則存其掌之而僕統於主。之籍既加以籍之保甲，又合以籍之歸命，安有不可籍之人哉。慮者旅客耳，流民耳，城中隙地，建屋千間，使人司之，編號以居。旅客城外，干間編號以居，流民在後，姓名鄉籍備亦保甲之法矣。夫何慮哉？客初至一月，無租入籍者，外類租錢，下為惟行旅。則勿稽稽則擾，十日以上亦有稽之事，稽之亦無擾也。天下亂，吾政教者八曰：倡曰優，在後議曰僧尼曰道士曰左教曰西洋曰回回曰盜賊皆非民也。雖民亦不可有者二曰窮民，孤鰥廢疾曰乞丐，有一於此，不可以言政教矣。然去之有難，有易。最易者倡優，次則左教，西洋最難者僧道回回，而盜賊窮民乞丐，則不待別立一法，而後去，何則？倡優人所賤，惟在上不之禁，故公行耳。若禁之嚴立止矣。故曰：易左教原有厲禁，西洋人在中。

國與中國從其教者蓋無幾。若於左教殺無赦，驅逐西洋使返
其國而不與通。或留算法制器之人而則去之亦不難。惟仙佛
之惑世誣民久矣。卿大夫士庶莫不矢心而貞信之。其徒徧天
下。不知其幾百萬。僧居九尼與道士居其一。俱安居坐食肆行
淫穢。判然不為朝廷之民。而人不以為怪。苟一旦立法禁之。勢
必驅之為張角韓山童。誦亂天下而不可止。故曰去之難。徧徧
自元時入中國。至今四五百年。散處四方。自為正朔。自為服色。
自為風俗。性獷悍而黨惡繁。苟無道以治之。而欲革其俗。害將
不可勝言。故去之亦難。然則奈何。曰非術不足以成仁。非權不
足以成義。以權術行仁義而不為迂濶。以仁義用權術而不任
威刑。在後則二者之患可漸消而漸滅矣。下一令曰仙佛道甚
高。僧道以邪穢不肯壞之。甚惡其令。天下僧道年六十以上道

高行修願為僧道者留之初不必問其數繼則二以名死之者

由辨而繼而郡而州藩而京師受聚而處之士二寺以處僧

官衣食之使奉其教毋招徒招徒者誅以子弟為僧道者亦

誅毋募化募化者笞亦笞者毋為人調經祈福薦亡祈福薦亡

者杖使之祈福為惟閉戶修其清淨寂滅之學而其道始尊其

不願為僧道及年六十以下者悉歸民凡寺廟大者入官為公

錄也所謂二氏書焚之土木煥鐵之錄錄賢才舉為士耕者授

之用武勇募為軍有資願為商有藝願為工者聽括其地以娼

尼為之配不足者婚於民伴人人有夫婦父子之倫得生養安

全之樂豈不傷於邪穢不肖之俗道萬萬子違命者殺無赦夫

人特患無歸耳苟有歸而得其養僧道何苦不為民况尊其教

以為名而誘張何自起哉又下一令曰回回本西夷之人入中

華者已久，宜用夏變夷，顧守其俗不變，不遵朝廷之法，不奉聖人之教，是亂民也。然相習既久，若痛繩以法，誅戮必多，恐傷好生之仁。今特家為勸諭，其願遵國法，奉聖教而革其俗者，以名聞，編入良民，簡用賢能而養其質朴，不願者亦不强，但不可復處吾土。亂吾民亦以名聞，聽其歸本國，或徙塞外耕牧為生，若既不離吾土，又不遵吾法，是賊矣，將比類而盡誅之，其毋悔。此令下，吾知從者半，不從者半，從者化為良民，不從者驅而遠之，亦不致激之使為變。有議如此，不出數年，回種盡變，不出三十年，異端可滅矣。所謂以權術行仁義，以仁義用權術者，此耳。若夫盜賊之律雖嚴，然末耳。盜賊皆民也，民各有歸，而鄉正以率其頑梗，鄉巡以伺其姦非，保甲嚴而游手無所容，武備修而草竊不得逞，且厚儲蓄以備凶荒，時補助以周困乏，雖赤地千里。

頭年水旱自可安堵不動烏有潢池之弄為黔黎之害煩有印
之憂者哉書曰德惟善政政在養民民得其養而無所謂盜矣
窮民乞丐又仰而取乎使有窮民則弊正會德長甲首公議
廣之無窮民自無乞丐所謂不待別立一法而後去者此也考
民去良民存乾坤淨吾之政教次第舉矣
民不分則厖不分則奸匿王道何由舉乎故分民為王道之始
然必由制均學校正民有養有教則各得其所自有倫齊而事
易就其分民與諸政兼舉又非以次序在前而獨先行也
古稱曰民公羊傳曰德能居位曰士辟土植穀曰農巧心勞手
成器物曰工通財貨曰商軍即在農內無所謂五民也王子欲
時為召募故曰五民然不寓兵於農則兵不台民不知兵兵
以苦民猶然後世獎政矣平書大端皆與認見合獨此一端少

參差詳議其武備後
古四民工居三高和之蓋士贊相天地之全者已農助天以

生衣食者也工雖不及農所生之大而天下貨物非工無以發

之成之是亦助天地也若商則無能為天地生財但轉移其

功固不上於工矣况工為人役易流卑賤商牟厚利易驕元

先王抑之處未甚有見也今分民而列商于工上不可

明有娼優隸卒子孫不許考試為士之禁又禁良民不得與之

為婚予以為此四種者不可同論娼奴亂人倫壞風俗當嚴之

革之使無一存若優伶則所以奏樂者不得無之古且有伶官

矣但禮樂君子之事而伶官專鼓舞以共人觀聽則近於役故

古多以替者為之今宜仿古制入伶於工籍工歌工樂其技精

者為小伶官供州藩奏樂之用尤精者為大伶官供天子奏樂

者為小伶官供州藩奏樂之用尤精者為大伶官供天子奏樂

者為小伶官供州藩奏樂之用尤精者為大伶官供天子奏樂

者為小伶官供州藩奏樂之用尤精者為大伶官供天子奏樂

之用。小。命。官。不。入。流。大。命。官。不。過。九。品。不。得。他。遷。禁。男。女。深。嘆。
之。嚴。嚴。邪。聲。道。淫。之。誅。令。敬。正。音。扮。雅。事。可。也。禮。無。後。而。何。得。
去。之。隸。高。官。行。刑。卒。何。候。於。官。及。士。大。夫。特。以。其。才。庸。下。故。備。
驅。使。而。實。不。可。無。者。夫。既。為。天。地。間。不。可。無。之。人。則。皆。正。人。所。
為。皆。正。事。也。其。或。為。不。正。則。不。教。之。過。而。非。隸。卒。之。事。即。不。正。
也。乃。禁。其。子。孫。為。士。不。許。與。商。農。工。為。婚。是。以。為。惡。而。絕。之。矣。
以。為。惡。而。絕。之。則。當。去。之。矣。而。可。乎。宜。更。之。優。隸。卒。之。子。孫。為。
士。農。工。商。皆。從。其。便。惟。官。不。得。與。本。管。隸。卒。為。婚。主。不。得。與。本。
家。奴。僕。為。婚。耳。外。此。則。無。禁。

工。在。官。者。則。官。食。之。不。得。以。牛。狗。

明。有。聖。諭。六。條。曰。孝。順。父。母。恭。敬。長。上。和。睦。鄉。里。教。訓。子。孫。各。
安。生。元。作。非。為。有。司。每。月。令。鄉。約。聚。眾。講。解。妮。妮。多。言。呂。坤。題。

撫山西立法甚詳摯其經營稱之予亦以為然後鄭若洲曰此
宋明講學之習連波而及非古教法且擾民予因而考之古教
民之法即在教士內故曰大司徒以鄉三物教萬民而賓興之
至于教民如月令諸書所載皆教以事无空論以言者况我孔
子明曰民可使由不可使知今立一定期講說而索其知識古
法所無聖教所禁不可行也惟明每月朔望以木鐸老人徇於
道路口宣六條警衆則古道人之職也可行而官長遇事開導
愚民無定時可耳

明呂坤新吾巡撫山西所立保甲法甚詳摯但當時無分民分
田選舉取士諸政故不能盡極今可採用之其實政錄曰鄉約
保甲合二為一在城在鎮以百家為率孤村以一里為率各立
約正一人約副一人以統一約約錄一人約吏一人以辦一約

之事十家內選一人為甲長每一家又以前後左右居者為四
隣一人有過四隣勸化不從則告於甲長轉告於約正書之紀
惡簿一人有善四隣訪實則告於甲長轉告於約正書之紀善
簿大善大惡仍季終聞官以憑獎戒如善惡有顯迹四隣知而
不報者罪坐四隣四隣舉之而甲長不報者罪坐甲長甲長舉
之而約正副不書掌印官訪知者罪坐約正副如此則百家互
相勸懲奸盜何所容禮義自日興矣

約保惟用同里者則近便易察如里必無其才方許選之隣里
亦不可太遠凡里中人命盜賊報官如鬪毆小事皆與和處不
許呈報

立一公所上書孝順父母尊敬長上和睦鄉里教訓子孫各安
生理毋作非為聖諭木牌一面傍設約正約副約講約史四座

與

將約衆分左右二班如所在寬廠作板凳數條約衆序齒坐亦
 可每月初二十六日一早將取齊擊鼓三聲約中擇少年讀書
 四人為約贊唱排班班齊鞠躬拜興及四三叩頭平身分班對
 揖平身唱約正副誦史就坐唱甲長出班言事十甲長出向牌
 跪舉曰某甲某人某日行某善某人見證舉畢分立於班前而
 善舉證人出向牌跪約正副問明約史即照口辭記于善簿畢
 高善者叩四頭起十甲六復出北面跪舉曰本甲某人某日為
 某惡事某人見證以下記惡簿昏如記善善惡各有條外先期
知六夜事公親問焉考第百一則曰子之穢賢其罪五觀此
力秀出于求者乎有則以告有而不告謂之蔽賢其罪五觀此
則甲中有智能者事勇能鎮盜者是達約正副將善惡事勸戒
德之智勇也甲長亦當舉之記于善簿
 之誦史又勸戒之畢約誦勸善一條律演一條畢畫左右二扇
 叩簿其有事不到甲長代之給假叩簿寫一假字但不許連給

三假有公事及疾病者不在此限至日應舉善惡者亦不許給假畢皆揖聖諭而退

選約正副講史須百家情願者選甲首須九家推服及常不外出者如扶同濫舉非人許不願者舉出

甲長不服人許九家同稟於約正副如果不稱九家另舉一人更之不許輪流攀當約正副不服人許九十八家同稟於官如果不稱衆人另舉一人更之如小惡本約除名紀惡於申明亭大惡比衆加倍究處但不許一二人私告及輕更生藥

同初旌善申明二亭設老人二名以佐州縣之政許笞杖斷決今選世顯殷實有德二人另名公正總理城中鄉約四鄉再選公正八人分理各鄉鄉約各約正副講史不公不法聽其糾舉應更換者聽其保舉各給帖文印字以便行事先給與耆老衣

冠如果正直無私賢約有功者三年給與冠帶

約正副舉行鄉約一年外許帶耆老福中青直身博帶見州縣行兩跪禮州縣起立答揖見本院亦許兩跪一揖本院起立拱手

約中一年無人違犯條款格葉者約正旌善亭紀善一次二年無犯者約副亦於旌善亭紀善一次三年無犯者約正副以花紅卮酒賞送於公堂約講史各紀善於旌善亭一次六年無過者約正副講史各送匾一面本約九年不違犯條款格葉者同約保舉約正給與冠帶約副免本身差役仍將約講史俱給約正衣冠以禮相待十二年不違犯條款格葉者約正副各送牌匾書本院姓名待年七十仍從各約通舉准入鄉飲酒席其約正年近七十不能待九年者掌印官每年考其勤惰公私等第

但實心任事三者各約第一者亦准冠帶

約正副講史除正項親朋禮節往來外如有處分本約事情因而受人隻雞杯酒斗穀分銀者即係不立行止無恥之人許本約許出問罪

縣造監牌八面長二尺寬八寸凡不養父母時常忤逆牌書不孝某人骨肉無恩尊長無禮夫妻親朋乖離者牌書不義某人偷雞摸狗拔樹搗穀者牌書做賊某人賭博開張牌書賭博某人游手幫閒生事鬪毆教唆詞訟傳言誣告牌書光棍某人詭隱地誑騙財物勾引匪類者牌書奸民某人喫齋念佛聚會講道搖鈴化緣造廟蓋塔及術士鎮燒煉送祟禱神者牌書左道某人姪蕩破家雞奸無恥者牌書敗子某人大書銀於本犯門左每會跪約聽講衙民勿與往來上司訪拏即將此人舉報

待十分悔悟本約連名出連坐廿結保其省改者方去其門牌

此條少
有訂正

鄰約有犯除流徙以上自有應得罪名外其餘紀惡呈報訪知

等事不候告發者祇是朴責重者枷號不許問罪

各約紀善紀惡紀和紀改四簿有司終日考查辰如一百二十

約每日照依約號次序初一日某字號等約講史送簿來看掌

印官細查其善惡或加評論或和處不當者即與更正有罪大

而和不足以盡法者罰錢多不過五石少隨便註簿上責令申

長催完于罰穀下註某日納訖貯本約殷實之家以備本約社

師來脩及孤老殘疾賑濟或本約不得已公用俱約正呈知掌

印官方許動支不許有司將穀入縣倉違者罪

麥忙秋忙各放通假兩會

十月後獲果三月前未祿各家備刀鎗弓矢等兵器數十家丁壯共覓教師一人學習武藝一甲置鐘一面保正副各置銃三竿杆過有賊劫甲中鳴鐘保中放銃一擁護救但於盜所生獲或孔死強盜一名者州縣官花紅鼓樂迎至公堂銀杯遞酒三杯賞時賞銀十兩仍給帖一張免其本身差役如賊聲言不許圍則殺失主失主亦罵人不許救護保甲人等齊前捉賊不許因而解散彼賊見失主罵人而救護者不解亦何籌於失主而殺之哉

聖諭格業

聖諭格業 甲 條 籍 戶

一 衣 在衣食 缺 忤逆祭掃 缺
一 長上 尊敬鄉里 和睦放債 違禁

一子 孫 教訓

一地 頃 畝 分 差 糧 一 完 完 完 完

一 生理 勤 惰 月 度 餘 著

一 救命 會 積 錢 千 百 十 文 並 貧 富 為 多 寡

一 積 菜 百 十 斤 積 糞 十 車

一 養 牛 隻 驢 頭 猪 口 羊 隻 雞 隻

一 栽 桑 百 十 株 棗 百 十 株 榆 百 十 株

柳 百 十 株 雜 果 百 十 株 雜 樹 百 十 株

一 取 繭 絲 十 斤 兩 綉 花 十 斤 兩

一 衣 食 足 身 無 破 絮 家 無 糟 糠

一 荒 閒 地 土 畝 分 種 菜 畝 分

一 賭 博 宿 娼 酌 酒 詐 財

一聚眾行兇 白蓮匪會

一容留奸盜生人 行使大稱小斗

一被人告 次 刁告人 次 唆證人 次

填格葉法

第一格填某縣某字約第幾甲係約正副請史則填約正約副約請約史係甲長則填甲長係甲眾則填眾甲某人係軍民匠皂籍或上上或中中或下下戶

第二格父在母不在母下填一不字母在父不在父下填一不字俱在父母下填一俱字俱不在父母下填一不字

第四格填子某某孫某某

第五格填地幾頃幾十幾畝一限完填一字二限完填二字三

四限俱同

第六格填莊農生理或何買賣生理或傭工生理

以上俱于領格業之日約請史審明填寫其錢糧四限完一限填一限每年十二月十六日約正率十甲長焚香誓神曰凡我會人審填格業遵行者不許誣枉違犯者不許回護如有不公不實鬼神鑒察身家被禍叩頭起約正先喚第一甲長到聖諭前填第二格約史問某人事奉父母衣食有無缺少如缺則于衣食下填一常字不缺則填一不字祭掃缺填一常字不缺填一不字 第三格尊敬長上填一常字不尊敬填一不字和睦鄉里填一常字不和睦填一不字放債違禁填一常字不違禁填一不字 第四格子孫教訓填一常字不教訓填一不字 第六格或常勤不惰或常惰不勤或好奢不儉或好儉不奢各照格填 第七格填錢數各照多實實書 第八格填菜蔬

數 第九格填牛驢猪羊雞數 第十格十一格填栽樹數

第十二格填絲棉數俱分毛不許增減 第十三格衣食四項

不缺衣食者填足次貧填畧足貧填不足身無之上未至二字

極貧填不足身無之上填現今二字 第十四格荒地種菜照

數填 第十五十六十七格犯者填常字不犯者填不敢字

第十八格被告三款照數次填填畢至十二月二十日後約正

將格葉冊送掌印官處查遵違全遵無違者紀大善一次全違

無遵者紀大惡一次仍行責治半違半遵者量輕重酌處將舊

格葉收庫照數發格葉于各約其格葉一年一發鄉約三年一

發紙張工墨之費許于正項公用錢糧開銷若正副講史填格

葉不公不實者訪出各重責枷號其約史甲長格葉四隣報填

正副講格葉十甲長報填俱不許扶同妄報一字命會者九

解十年大山民流喪亡之慘。勸民儉口儉衣，禁修廟淫會，積粟
備荒者也。此經以為生員書辦，不分善矣。然而鄉官與士亦不可分也。庶
乃設于官之胥徒，非鄉官也。在官按周禮五家為比，下士為比，長
五比為閭，中士為閭，胥曰閭，為族。上士為族師，五族為黨，下大
夫為黨正，五黨為州，中大夫為州長，五州為鄉，卿為鄉大夫，惟
遂五家之隣，不必用士以上，亦皆士大夫皆可同升。諸公漢制
五家為伍，伍長主之，二伍為什，什長主之，十什為里，里魁主之，
十里為亭，亭長主之，十亭為鄉，鄉有鄉佐，三老有秩，晉夫游徵，
各一人，鄉佐有秩，主賦稅，三老主教化，晉夫主爭訟，游徵主奸
非多以學士為之，而賢公卿大夫亦時出其中。後世分督鄉者，
不用士，不稱官，不由此選。遺故明用年老習事之民充之，亦不
得已而然，而非古也。今擬民之才德出于十家者為甲首，公即以

令正受巡保出于百家者為保長有功如明呂坤議授以九品
官冠帶正受巡以中士待有功即授以九品官或農民有特才
堪為正受巡者亦開用之者可易曰公正官以選士上士除
之而俱統于縣令正分統於縣正縣督受分統于縣丞巡分統
于縣尉縣正公正之事分考于六衙

實政錄之鄉約即用鄉正其下別選二人為約講約史待有功
授九品冠帶如保長每月初二十六日誦聖諭登惡一次二保
共二百人兩保長帥至二月半周一鄉保長教諭其保人不拘
時善惡格葉簿皆縣令查稽恐不給當公正細核之縣正又核
之縣令考其大端若法別初立之時則記惡簿立豎牌二者可
待教化一年之後行之至帥各甲擒賊則鄉巡事其鄉官宜用
士詳下建官條擒賊法詳下武備條

城中建屋以居旅客凡市鎮皆當有屋即古之市廛也商至則
使居之而征其稅如後征稅則無房租
行旅停三日以上即當稽若面生可疑及係奸人左道者即察
問送官保甲中人無事外出者亦稽之
分田勸農積穀則流民可無不必先為修屋如遇奇災有流民
至者臨時修可也
左道亦不可一概如採生折割傳頭教主之類則當誅之燒煉
符咒等則刑而屏之聚會號佛喫齋之愚民則當教而化之如
先生與迷途等書使鄉正講解之不從然後刑之以權術行仁
義等語非治平之道也蓋權術之正者即仁義也不可曰以權
術行仁義也權術之非者非仁義也又不可曰以仁義用權術
也

既以仙佛為惑世誣民而又令曰仙佛道甚高道高行修是亂
名也不許招徒而又死者補之六十以上願為僧者與之牒是
亂令也官衣食僧道是亂法也况禁其書毀其像娑尼配僧道
是明滅其教矣即虛言誑之渠寧不知若可為變一耳今擬變
異端之道有十二焉令鄉正集僧道與之講與迷途官亦不時
講化之一也量其材或入於士或授之田為農為兵或使為工
為商二也配之娑尼不足官設法助之婚娶六十以上返正願
娶不願娶者聽三也改寺廟以居僧道不可居者分給之使賣
材別構惟留正神祠寺四也老而不能為士農工商者責令其
親族姑黨養之如無則收於養濟院官養之死葬之五也令人
獻二氏書藏後者責搜而盡焚之六也毀其像七也限教之三
年盡變不一旦峻驅之八也若三年不變幼者責而變之六十

以上者僧送之南海普陀山道場送之東海蓬萊諸山不許通
中郎招徒募化祝誦以反正而不小善者即嘉其悔悟如常
人大善旌賞之十也僧道未變前俱入于侯甲甲首保長鄉巡
等時時查之若有違抗意言及勾通謀逆者即刻稟官擒而誅
之或誅其首而變其餘十一也喇嘛僧真者驅歸外國中國人
從者令為民十二也歸倫則正而樂不歸倫則邪而災正平書
所謂傳道何教不為民者以而亦安有變之可虞哉
猶相之不從化則為可惡然元明以來亦誰有特出一命以化
之者哉而欲聖經以法不惟激變亦且不忍即驅之塞外彼安
土重地亦不能保其不為變也必先下一命令示中國之禮義明
夷節之醜惡未必即其本然而誣治以為教遠資人口柄不知
天理聖教無分中外自此正朔居處冠婚喪祭之禮一歸王政

非○棄○木○從○革○乃○去○非○就○是○才○者○入○學○而○加○為○官○其○餘○授○以○農○
或○為○工○商○皆○如○良○民○而○又○寬○之○法○網○不○禁○其○祀○祖○宗○飲○食○亦○不○
盡○變○其○習○教○牛○羊○亦○可○但○不○得○比○戶○為○之○而○使○任○入○通○婚○衣○服○
禮○法○一○同○中○國○復○寬○以○三○年○之○限○自○當○混○一○若○有○一○二○必○不○變○
者○許○三○年○後○自○陳○歸○其○本○國○而○又○編○入○保○甲○著○為○勸○化○之○言○令○
鄉○正○勸○化○之○而○甲○長○鄉○巡○等○不○時○稽○查○有○異○志○變○者○即○刻○送○
官○誅○之○速○變○者○旌○之○罪○者○釋○之○或○量○才○即○用○其○一○二○高○官○以○申○
勸○勉○此○亦○何○難○何○傷○于○彼○而○激○變○乎○或○邊○境○有○事○招○其○健○者○為○
兵○因○敬○志○之○或○招○流○民○開○荒○即○散○布○給○以○田○則○更○易○教○

分土第二

平書曰天子不能獨理也。三代以封建。後世以郡縣。封建之利。在篤屏天子。分理其政。事勢可以久長。害在世守。強祗逆。戰爭不可制。而生民罹其毒。郡縣之利。在守令權輕。易制。無叛亂之憂。害在不能任事。姦宄可以橫行。權臣可以專擅。天子孤立。其上而莫之救。是二者皆各有其利害。歷代之故。轍昭然。凡持一偏之得失。以爲言者。皆非也。然則王者將何從。曰兼收二者之利。而辟其害。使其害去而利獨存。斯可以爲治矣。若分四方緣邊之地。爲藩。以同姓爲藩。王守之。在後議分內地爲州。以異姓爲州。牧守之。天子建都于天中。在後議以統于上。藩王州牧各守其土。以衛于下。統郡者。藩也。州也。郡不過四五。統縣者。郡也。縣不過五六。總之。郡有大小。縣有要縣。上中下之分。參伍均之多。則

三十城少則二十餘城設兵七八萬而止畿輔則環列大郡以
輔京師約二百餘城設兵三四十萬其勢足以控制六合乃藩
以禦外而鞏內地州以控藩而鞏京畿內外相維親疏相間枝
強而幹更強未嘗弱枝以強幹四裔不敢侵盜賊不敢動權姦
不敢逞而上分天子之勞下徧百姓之德是非得封建之利乎
乃藩王與州牧同以三載考績賢則留不肖則黜不世守也予
奪之權自上操也是又絕封建之害兼郡縣之利矣且夫守令
惟任之不專不久故不足以為牧物不足以衛心腹若任之專
利可興害可除便與行事無顧忌無掣肘惟大綱總于上細目
悉任于下不似近代纖微不得有高于其上又必久任而責成
功是非去郡縣之害兼封建之利乎夫郡縣原不可與封建比
也何哉封建之害且除又何患郡縣之利不得也且楚方御文

歲歲按之三考一熟陟之五年一朝覲以述職州收分東而南
總之西北東南一辨朝廷又核其實以賞罰之何與之能為何亂之
可作乎昔者禹敷土錫姓畫疆分界大抵地邑民居參相得耳
乃近日之疆理吾惑焉一府所轄百多至三四十城廣至二千
餘里者有不過兩縣僅三二百里者縣界有去治數百里者有
城外即為他界者夫犬牙相制不以要害專屬之一方是矣乃
參差太過則不清大小相懸則不一況地畝或以一為一以
或以數十餘為一以地肥瘠同而粒經界不正賦稅不均
豈聖人平成天地之道乎必也因其山川之形勢畫為州藩隨幅
幘之曲折分為郡縣不相紊不相懸因者因革者革建者建總
欲因地利盡人事使形勝全疆固圉而已土地既分各有所守
乃頒畫一之條使各奠山川各均田畝各興水利各整關梁各

修驛路四海雖廣有不蕩蕩平平者乎各率其屬各舉其職各
理其政庶務雖殷有不綱舉目張者乎三代之治不外此矣遵
而行之百世可也何必執封建之跡而後可以為治哉
王古天子之稱也漢以後尊帝次王乃天子稱帝而稱同姓曰
王易啓人僭越之心非古也且州藩權同事同何必易其名則
無如皆稱曰藩侯而但分邊藩腹藩焉若同姓功臣本公爵者

稱藩公

專委同姓于邊以御外人謂可恃其一體之親也然永樂非一
體乎而兵強起亂矣况專以同姓居危地而異姓居安地情不
均以同姓居勁地而異姓居柔地勢不均易滋變端且兵學非
人人可能也如沿邊嘗宿兵禦侮之地而同姓人相不足用如
何不如同異姓雜而用之但邊藩同姓多以賴其腹心而以異

姓問之腹籒多異姓自多而亦問以同姓似為妥策

建都于天中者以四方輻輳巡狩道路均也然而建都之道不

一從繩嘗曰古帝王大約以興起之地為都漢唐初取關中即

以居之宋都汴梁明都金陵永樂都幽燕亦皆即其所興言亦

有見然似以天下形勢論僻鄙不可都者勿言已金陵南服禁

兵養久易至脆弱汴梁四衝洛陽勢小六安雖稱百二山河然

雄固在峭距以控山東六國若高屋建瓴而西北之禦外人者

則險不綿亘以後世費煩而漕運艱澁難如古之但取關中而

已足也惟燕京險則燕山以為城千里綿峙餉財河海以為漕

巨浪直達背倚磐石而伸手從左腋下取物何便如之况直塞

門戶干振戒嚴天子在邊四方全力注之自寧夏而河套而開

平大寧而進左開元通筋束骨一線穿成居內制外真盛地也

然而背薄之患稍有可虞必河套陰山開平大寧一帶凡沙幕
 南可耕種屯牧之地盡復之使幕南無王侯斯為金湯之固耳
 郡縣而重權久任即兼封建之利是矣然恐後儒尚百執封建
 當後者以亂天下詩即舊論其不可復之故陳之古因封建之
 舊而封建無變亂今因郡縣之舊而封建啓紛擾一三代德教
 已久胥子應賢尚曰世祿之家鮮克由禮況今時執誇易易
 淫易殘忍而使世居民上民必殃二郡縣即漢唐小康之世非
 數百年不亂封建則以文武成康治之一昭傳而王南巡遠已
 不返後諸侯離析各自為君六百年周制所謂削地滅國僅
 托空言未聞彼時以不劫收誅何國也矧於晚近雖立法削之
 豈能遠過武周三或謂明無封建故流寇肆毒遍地丘墟竊以
 為宋明之失在郡縣權輕若久而重其權亦可拜謝且唐之藩

鎮即諸侯也。而黃巢亂流寇突。亦有大盜如莊蹻者。豈關
无封建耶。或又謂無封建則不能處。處皆兵。天下必弱。竊謂
民間出兵。處處皆兵。郡然自可行。不必封建也。五而封建之。殘
民則恐不下流。寇不觀春秋乎。列國君卿尚脩禮樂。講信睦然
自會盟。朝過紛然。煩費外侵伐。戰取一歲。數見其不通。魯古魯
者尚不之幸。時近古多文。緩而退。若至今日。殺人狼籍。盈城盈
野。豈減流寇。然流寇亡。感而諸侯亡。遲則折為數十年。殺運數
百年。殺運而禍更烈矣。唐之藩鎮。為五季。金之河北。九日尋
干戈。人烟斷絕。可寒心也。六天子世圻。諸侯世同。卿大夫多公
子。公孫亦世采。自然之勢也。即立法曰。世祿不世官。必不能久。
行周之列國。皆世家巨室。可見矣。夫使富貴功名數百年。皆一
姓。及二三功臣。據之草澤。賢士雖如孔孟。無可誰何。非立賢無

加之道也。不公孰甚。欲治平仰由也。

三弟培問曰：元人不能一口吞河北，金人南奔得後，淪亡者十

九年不受封建之利乎？予曰：此非聖賢之言。天地之心也。河北

當時交爭塗炭千里，荆榛比戶，殆盡乾坤之慘極矣。乃置之不

計，但幸曰：土地後屬他姓者，數年使救盡天下之民而保空土

亦即可乎？天地之心如是乎？古君不以養人者害人，有可移禍於

相於民而必不肯者，皆何為也。

三弟曰：凡人之情，委家產于子姓，子姓必愛之。委之僕從，僕從

不受也。不分封同姓而在異姓，母乃委不受者，以家產乎？曰：此

以人之私情言也。以私情言，則得失參半矣。子姓雖愛其家產，

然恃祖父之慈，或驕或奢，以至嫖賭無可誰何，且或謂此產原

當屬己，積私入素，僕從之視主業，雖情較疎，然可鞭撻可更易。

家事與國

不敢大肆也。其與子觀今世僕從分背主人之家產者十鮮其
一。子孫各積私財營妻子而膜置父母者十常二三。一以疎而
不敢發一以親而得自由也。矧如子所慮則必同姓者盡任天
下事。然後可不惟郡縣不然。即三代封建亦不然。周之八百餘
國皆屬異姓。獨定天下後封文武之子數十國耳。然則異姓之
不受其家產猶然也。何以處之。

三弟曰：子孫雖積財入己，猶吾子孫也。何為道之外人。曰：即以
俗情論，僕從分理家業而主人箝制于上之為快乎？子孫分肥
家業而祖父无依于上之為快乎？且國事與家事不可同日而
語也。如子言天子分萌不慮也，惟謀一策使吾子孫得分之天
子喪亡不應也，惟謀一策使吾子孫得得之則自黃農以來以
至元會之終皆使一姓蟬聯其法為善矣。有此理乎？此心公乎？

私乎古云天下惟有德者居之未聞曰天下惟有同姓者居之也
師曠曰天之立君以為民也未聞曰天之立君以為其子孫也
三弟曰以異姓為官而同姓監之如有庫之不治民可乎曰有
庫乃仗以虛名膺實福耳非為監也處置同姓惟論才德有才
德為監亦可治民亦可無才德治民不可為監亦不可予幼嘗
謂封建郡縣雜列而處今思不可雜之諸侯必侮郡縣郡縣必
評諸侯天子亦救痛解紛之不暇而暇理天下乎
三弟曰郡縣官如傳舍誰肯愛其民者曰今之郡縣真如傳舍
矣然而留心民瘼者亦尚有人郭有道居停必洒掃而後行陳
蕃庭除污穢不掃心志各別不關久暫也且郡縣何為傳舍處
也九載黜陟之法非謂陟之而必去其任也經世實用編曰養
民必三年餘一年食九年餘三年食三十年之通而後民無菜

色教民必三年敬業羣九年知類通達三十而後仁可輕
却哉况和地不齊性習亦異不亦小計不足歲計有餘者乎不
有治郡功名入朝則損者乎今擬六衙鄉官及郡縣藩侯九載
考陟後上官有缺任當選補或其才德不止于此及教養政已
畢者則去如陞而無缺與其才止于此或官與民皆不思去
及行一法而和結即留二三十年終其身有功遞加尊銜而仍
使理其本職焉渠奚為視民如秦越也
三弟曰封建田井學校三者相資一不行則皆不可行曰此老
生常談而實非也郡縣何不可行學校選舉何不行非田而何
必封建也且吾謂選舉不行不在不封建而在封建孔門七十
二賢卿相之才夥矣未聞選舉之以不躋大位仕者僅步趨私門
而止良以封建則世官選舉無所用故不得不廢也而乃曰郡縣

此學校選舉不行是李代桃僵也

或曰不封建而升田能萬里運粟乎曰今世如秦晉征糧僅可

度支邊腹如河南山東除官之俸兵之餉有運河以通梁米遠

如江南浙江江西湖廣則皆通河可運再遠如閩蜀等又邊兵

支費無可運者固無憂升田徵糧運道不通也况經制定則稅

款輕分貯多存支俸祿厚運上者亦不必若後世之多乎

三弟曰然則殷周封建非與曰非然也時勢不同也洪荒之世

小賢小智統一方則漸為諸侯久而合之天下有一人則為天

子以後天子不道則眾諸侯復推一人尊之殷周之興皆以此

也故武王伐紂不期而會者八百國及會朝清時乃曰吾將去

此諸侯以別用也或即絕其也得乎哉蓋當時封建之弊尚

未大滋可以不改即欲變之亦理勢不可今不解其意而徒泥

往跡所謂膠柱而鼓瑟矣且陸桴亭曰郡縣即如諸侯但易傳
子而為傳賢子不然之獨未聞古之論堯舜禹耶昔人謂禹傳
子為德衰孟子以天意解之是未嘗言天子不當傳賢也韓昌
黎又謂天子傳賢則無定人非聖得聖易啓亂傳子則有定法
雖遇中才人莫敢爭是天子之位亦以傳賢為賢但無人制之
于上故夏後世之紛爭而不得傳子也若諸侯則有天子主
之矣如桴亭說正昌黎所謂傳賢則利民者大也子亦可以悟
矣

桴亭思辨錄曰自封建廢郡縣無宗廟之制為有司者將欲孝
治一國其道何由今宜倣封建意使郡邑建宗廟治邑者始至
則執主而居之四時合臣民而行祭一如古禮則官孝思得展
而民眾著于孝又曰冠昏喪祭之禮民久廢失由上不以身率

之也。若四禮俱可在任舉行，則上行下效矣。又曰：在任而遭喪者，當一如古人在任舉行喪禮，縣事胥委其貳治之。五月葬畢，則親事相安。君事為重，素服素冠，臨後寢聽政，惟不飲酒食肉，不處內，不與吉禮，不斷刑獄，以終三年庶幾得禮之中。周禮此經，禮不言恭，謂今世選官不在本省，或極北而之極南，東西亦然，不惟路費浩繁，且言語不通，人情不諳，滋弊多端。若如陸氏議，將主遠行，昏喪易地，尤為不便。宜定制，藩侯起避本藩，郡縣起避本郡，本縣而相隣之郡縣不許過千里外。至于學師，六職或本地，或隣封，而鄉官等必以本地人為之。其人有私遠亦私也。其人無私，邦家何私焉。

或謂古諸侯世守，故有宗廟。今藩郡縣皆傳賢，此去彼來，恐鬼神靡操，非道也。曰：古有其外矣。古人以奧為祭位，五祀祖考皆

揜

迎祭于此而各有名號鬼神未聞雜揉處也

陳同甫曰今立國之勢正患文為之太密事權之太分郡縣太

輕而委瑣不足恃兵財太闕于上而重遲不易舉嗟乎此宋明

之所以亡也天子以為輕天下之權而總攬于上究之一人亦

不能總攬徒使天子之善不即賞惡不即誅兵以需而敗機以

緩而失政以掣肘而無成平時則簿書雜沓資律吏上下之手

亂時則文移延遲啓奸雄跳梁之謀而已矣封建固不得復而

漢之故事郡守得專生殺揜兵柄有事直達天子可不鑿其意

哉

宋方臘將反召其眾曰吾等起事旬日之間萬眾可集守臣聞

之固將招徠商議未必申奏延滯一兩月江南列郡可一鼓而

下也朝廷聞報亦未必決策發兵遷延集議調集兵食非半年

不可是我起兵已首尾期月矣。二敵聞之亦當乘機而入。我但
畫江而守。輕徭薄賦。以寬民力。十年之間。終當混一矣。嗚呼。郡
縣無權。簿書煩密。往來延滯。為奸盜所窺伺。如此尚不變計耶。
藩侯一面皆來朝。恐猝有變。無人禦之。似當間一藩來一藩次
年。又間之。猶五歲一朝也。而東南西北西北東南。則以邊腹分
之。

凡朝覲路費皆當量遠近驛遞支給開銷朝廷稅糧

建官第三上

平書曰：近代建官之弊，而取才之弊，不與焉。任之不專，十羊。九牧，可以誘過，不可見功。使政事日壞，而不知其所以。知官如傳舍，賢者不能盡其才，不肖者苟且以充罪舉。天子無一任事之司，禮但以官之大小，短各有司。兵者轉而司農，司刑者轉而司禮，但以官之大小，各為際降。不乃論其才，與其職之稱否，似天皆通和，並致天下，皆廢才。三碩德奇，才應不次，用之庸眾，即終身不為過，乃銓選以掣聽之。命遷次以資格聽之。習者，吏之耳，官不得乎，弊四。法密如牛毛，建官使守法，孰習之。任吏者，其數不深，而不可除。五。諸侯之國，造士錢穀，刑名無。

士為之分理者何其衆。今之佐貳為縣令分理者何其寡。諸侯
 之上為之總者不過方伯。今縣之上。有府與府佐貳。府之上。有
 監司。監司之上。有布按。布按之上。有督撫。且兵有監司。糧有監
 司。河有監司。學有監司。糧又有督。河又有督。以數十長官林立。
 督之於上。而佐貳其下者。不過二三人。吏治何由善乎。弊六官
 之應設者不設。而不應設之冗官。徒糜廩祿者。不可勝數。弊心
 夫奸貪不法。與庸惰無能。臣之罪也。若此七弊。朝廷實貽之。可
 歸咎于臣下哉。唐虞建官。惟百。亮天工者。不過二十。有二人。周
 官三百六十。所任卿大夫。亦不過數十人。故官不在多在。專與
 知不在。全才在用。其長不在。任法在任人。試酌古準今。而為之
 制。官之設於京師者。曰四府。曰六部。曰三院。曰二衛。曰四司。四
 府者。一曰公。孤。府。設于禁中。師。保。之官也。天子師事而不臣。以

致仕大臣年高有德望者為之有議不預政事但執如天子
陳說帝王之道以格君心成君德或三人或五人無不可
無僚屬而官聽其熟陟如屬吏賤者可杖太子之師保亦
然同設於府中而另一祀二曰端揆府設于宮城內之東輔弼
之官也立相二左相國右相國佐天子明政外人統百官均四
海侍郎四為之副其屬中書令八中書舍人十有六分領簿書
掌機務士六十四人三曰御史府設于朝門左風憲之官也都
御史一左右副都御史各一經懋糾繆陳利弊劾貪達民隱
其屬監察御史六十職與都御史等人而分理簿書者八人巡
按州簿每歲各一人巡視京城二人士四十人四曰成均府設
于都城內東南教化之官也大司成一左右少司成各一數五
教于天下有議教皇子公侯伯之子總天下州藩之學師而試

太學生其屬司業八士三十二人六部者一曰農部士農工商而總其戶口于端務農官但有農部設于宮城外東課農之官也之籍不可概以戶籍故稱農部大司農一左右少司農各一總天下州藩之農官督其政而稽其入其屬中大夫各州藩一人分察之如今制士堂上八人每司四人二曰禮部設于宮城外西典禮之官也大宗伯一左右少宗伯各一掌禮樂大典統禮樂經史文學之臣總天下州藩之禮官其屬中大夫六禮二樂一經學一文學一有議士三十二人堂上八人每司四人三曰兵部設于宮城東農部南備武之官也大司馬一左右少司馬各一掌天子之六軍而訓練之討不度平叛亂供田狩總天下州藩之司馬其屬中大夫十二分統六軍繕器甲備車馬士五十六人堂上八人每司四人四曰刑部設于宮城西禮部南明刑之官也大司寇一左右少司

寇各一結姦禁暴總天下州藩之刑官而平其獄凡大獄死刑
必歸刑部其屬中大夫每州藩一人如今制士堂上八人每司
四人五曰地部有議設于宮城東兵部南方域之官也大司空
一左右少司空各一掌天下之土地山川城池阨塞與圖總天
下司地之官而督其理其屬中大夫八分督之士四十人六曰
貨部即國官內府外府泉府後設于宮城西刑部南司財用之
官也大司空均一左右少司均各一掌財貨出入節朝廷經費其
屬中大夫每州藩各一分核之士堂上八人每司四人三院者
一曰通政院設于朝門右天子耳目之官也左右通政使各一
中外大小臣士庶凡有封章即與奏其屬糾言四士十有
二人一曰黃門院設于宮城內之西封駁之官也都給事一給
事中十有二凡詔令之下必由之有不便者駁還之士六人議

在設登聞鼓於宮城北門之內歲命一給事司之凡有告變或
奇冤登樓撾鼓者即以狀聞阻隔者誅妄告者誅一曰翰林院
設于宮城內之北侍從文學之官也有議侍中一其屬令史十
禮樂經史文學各二備顧問撰制誥士二十四人二衛者一曰
金吾衛分左右列宮城內金吾大將軍各一侍衛之官也守宮
門稽出入稽官俱懸司出八以便司儀衛其屬都尉八士二
十四人一曰羽林衛亦分左右列宮城外羽林大軍各一典禁
旅之官也司微巡備非常其屬羽林郎十有二士三十二人四
司者在後一曰厩象司一曰大小司一曰考工司一曰岐黃司
不統于府部院衛以出身非士也都城內擇地設之厩象司治
厩之官也司正一司副二其屬同知四天文生十有六附生無
定數大小司陰陽卜筮之官也司正一司副二其屬同知四卜

生八附生無定數考工司興建造之官也司正一司副二其屬攻土攻木攻金攻石攻玉攻皮畫績織造高八所供天子宮室與仗冠服器皿之具備禮樂兵農器械之用每所同知一三

生四附生無定數岐黃司醫藥之官也司正一司副二其屬分科每科如以科同知一醫生四附生無定數京師之官盡此矣官之設于州藩者一府一院一堂六曹三監府者州牧藩王也領一州一藩之事統佐屬與守令而總其成院者巡按御史也察州牧藩王與其佐及守令之賢否郡縣佐不問也地有豪強按之冤抑雪之民事不問也堂者州藩之學師也數五教于州藩統羣縣之學師而總其成六曹者司農宗伯司馬司寇司空司均司農禮兵刑地貨為曹也獨禮曹于宗伯外有禮樂經史文學五宗伯以副之各統其郡之六廳而總其成士則府二

十四院十二堂與六曹各八三監者工監卜監醫監各置一尹也。生則每監四官之設于郡者二堂六廳三監二堂太守郡師也。守統其屬與縣令師統其縣師而總其成六廳者藝郎治中別駕司理典方節史以農禮兵刑地貨為廳也。禮廳於治中外有禮樂經史文學五治中以副之各統其縣之六衙而總其成士則守十六師與六廳各八三監者卜工醫各置一丞也。生則每監四官之設于縣者二堂六衙三監二堂者縣令縣師也。令統其屬合一縣之事而總其成師教學生統一縣之鄉師而總其成也。六衙者縣丞縣正縣尉縣督縣郵縣同以農禮兵刑地貨為衙而各修其職也。禮衙于縣正外有禮樂經史文學五正以副之士則倍于郡以其所理者多也。三監者卜工醫各置一尹也。生亦倍于郡且有附生而習其業者外官盡此矣。由是品

級以等之服色以別之廩祿以厚之銓選考績舉劾以操縱而
進退之天下人才猶不得其用而政事猶不舉者未之有也
陸稼亭論司兵有功陞司農司刑有功陞司禮諸法曰是得一

善攻木者而賞之削鐵也。不可解矣。

高低論法詳之。樊曰：事有宜密，雖腹心不得聞也。而必須關白。

人有可用，雖將相不為過也。而必循資格，錢穀出納，有足以補

民者，專之可也。而憚于稽考之嚴，刑獄重輕，有當以情處者，遂

之可也。而涉于出入之議，機當速應，畏法逗留，勢不可待。畏法

張皇一金之費，于歷諸司一令之行，遍咨辟長甲乙，可否吏胥

上下圖政理之志，輕而稽簿書之念，重敷治化之日，少而辦文

移之，中少，有蕩輒則下以廢法而許其非上以悖法而重其

謹君子不敢為善，殆甚於小人不敢為惡矣。痛乎其言之也。西

漢法疎濶而長秦隋法繁密而促為治者宜何從
思辨錄曰魏莊渠嘗言古縣邑官較後世多府吏較後世少
在官者千百為羣積茲叢弊害生民此古今盛衰之判也古
之治也以道卿大夫士同寅協恭清心致理後世上下相疑不
復推誠委任天下之事一決簿書變成吏胥世界矣
六部之吏典六部之事皆出其手矣布政按察之吏典布政按
察之事皆出其手矣郡縣之吏典郡縣之事皆出其手矣乃士
子羞為之而為之者必狡獪真詬之人天下事安得而治也夫
以狡獪真詬者為吏典是以狡獪真詬者為六部也藩臬也郡
縣也天下事安得而治也蘓軾曰用之則不絕絕之則不用為
吏典者不過官至典史吏日而止是用之而復絕之彼其心以
為榮功顯名無與于我也尚何廉恥之足惜而行誼之可矜耶

今府部下辦事者皆以士以至郡縣六房稱六官下皆以士辦事皆可為官其役于下者不過寒寒昏徒而已誠良法也予嘗謂治天下有四端曰仕與學合文與武合官與吏合兵與民合此官與吏合也不然以白面書生為官以殍皮乾沒為吏欲天下之平治斷未有

宋楊億上疏曰國家憂銓擬不允置審官之司慮議識或濫設審刑之署恐命令或失建封馭之局臣以為在于紀綱植立不在琴瑟更張若辨論官才歸于相府則審官之司可廢矣詳評刑辟獨于司寇即審刑之屬可去矣出納詔命關於給事中即封馭之局可罷矣不責其治不罪其不治事而多設官十年九收徒資推諉何為哉况今憂郡縣不理而重加長官于上正東坡所謂監國卒以鹿長而馬益癯者也民何辜耶

顧寧人曰一鄉之中官備而法詳然後天下之治有條而不亂
至今蕩然無存守令之上積尊累重而下乃無與分其職者雖
得公廉勤幹之吏猶不能以為治而況非其人者乎柳子厚云
有里胥而後有縣大夫而後有諸侯有諸侯而後有
方伯連帥而後有天子則天下之治始于里胥終
于天子其灼然者已故自古及今小官多者其世盛大官多者
其世衰興亡之塗固不由此陸道威曰治天下必自鄉始分鄉
乃小封建法也二子之言善矣平書制從六衙縣令起愚意從
鄉官六衙起公正陸縣令以其既為士復理民有績始可膺百
里親民之任也以下正咳巡有功加九品官及保長有功加九
品冠帶者保長可量才間為六衙
以其所若才止其任者雖甚有功加品與祿而任終身焉

師節一官不在臣以最是顏習齋先生嘗曰中庸大臣羣臣之外先有尊賢一經乃論道傳學不可臣使之人也漢光武不知此義而屈嚴子陵以官故不能留耳據此則致仕大臣外碩德高隱皆可聘致之

成均敷五教于天下似為不妥周禮司樂教士司徒教民兩事成均教士而兼教民非職也况縣之專教民者鄉也若以縣師督之不惟教士不暇且嚴州分縣令治民之權或與令州鄉民不思漫無可稽是必縣令統之而縣分統之乃責成以考核教民之官皆然則數五教于天下之民者歸之禮部為宜以今戶部不稱司徒而齊民以禮正禮部事也

三代而上以躬行實踐為主不惟經史之名不見于命官即學

校○之○內○惟○教○以○禮○樂○德○行○其○高○詩○也○所○以○習○樂○其○觀○書○也○所○以
考○政○亦○然○所○謂○經○學○史○學○之○名○也○自○秦○火○後○聖○道○之○識○大○識○小○
口○傳○身○授○者○盡○委○于○地○無○從○尋○覓○于○是○求○夫○載○道○之○籍○朝○賜○詩○
書○士○多○箋○註○而○經○史○始○重○沿○至○宋○明○虛○文○印○多○實○學○日○衰○以○誦○
讀○為○高○或○以○政○事○為○粗○庸○丘○濬○為○大○學○士○著○大○學○行○義○補○不○期○
實○行○但○期○立○言○孫○煥○坐○大○司○馬○堂○上○手○持○書○卷○時○邊○事○孔○棘○為○
侯○執○蒲○所○劾○此○風○一○成○朝○廷○將○相○競○以○讀○書○著○述○為○名○至○于○明○
末○萬○卷○經○史○滿○腹○之○辭○不○能○發○一○策○彎○一○矢○甘○心○敗○北○肝○腦○塗○
地○而○宗○社○墟○生○民○燔○矣○禍○尚○烈○言○哉○今○乃○儼○然○立○一○經○學○中○大○
夫○史○學○中○大○夫○之○名○是○猶○之○導○其○流○而○益○其○燭○也○可○乎○哉○周○禮○
建○官○至○詳○悉○而○中○惟○有○外○史○一○官○職○不○過○上○士○掌○天○下○之○志○而○
兼○及○三○墳○五○典○今○仿○其○意○改○經○書○為○制○誥○掌○朝○廷○勅○命○諸○文○改○

史學初太史掌起居注及修史志至于古經古史成均教士及
內覽者隨在以人司之不必專官而藩郡以下則詔太史之
事無之有翰墨事兼以司禮樂之人可也此非輕經史也士自
學校來皆通經史矣何為專名一官且後世之學實難而虛
易朝廷不貴浮華而承平日久士猶將弄柔翰以自文也而况
導之興即如言語豈非聖門一科而孔子屢曰訥言取言言之
不出亦以行難言易防其流之不可救也

至於文學一官專主古文詩賦更為不可子游子夏曰文學觀
之檀弓子游長于禮而子夏著喪服傳則所謂文學猶是考證
禮樂諸學夫子文章斯文之分體也而豈後世辭章浮華之文
耶以詩文為文而立之官恐聖學并為所亂矣古文詩賦即朝
廷間有用及以司詔司史者為之無憂不足也

藩郡縣禮官即司禮樂亦不必復設副以與他曹不倫也若云

禮曹事繁他曹事無繁者乎繁者可多置士耳

馬政當入于兵部以兵必須馬而天下之馬不叩不蕃也明令

民養種馬課駒其後甚擾民今思蕃馬之法有四朝廷養馬于

西北邊如周非子唐王毛仲故事一也復明之茶馬舊制以茶

易蕃馬二也取士必試其騎射則士之養馬者多矣田賦出兵

分若干家養一馬為兵用而民乘馬者不禁則民之養馬者多

矣

崑繩以為地域所關者大而百工未技也不得與諸部等故改

工部為地部而別立工曰司然地域至承平時無多事專立一

部與農禮兵刑不倫且每縣有地郵司地則縣中儘有無山川

阨塞者亦有一二年不須修城濬池者當為何事乎且料理阨

塞城池即工事也古制工為四民之一今士統于成均農統于司農商統于司均則工統于一部亦不為褻莫如竹稱工部而并地域司之考工司不必別立凡天下土地山川阨塞及封藩建國立邑宮室漆洳以及百工皆屬其任而分中大夫理之任亦重矣周禮考工即統理國邑城池漆洳可証也州著以下皆

然

周禮冬官曰大司空者以水天地四時象冬也今下尚有貨部而稱大司空非宜矣工部宜改稱曰大司事以鄭子論官有鵠

鵠司事一名而周禮云冬官掌邦事也

周禮六官之外無官陸桴亭曰鴻臚太常光祿可并入禮部太

僕苑馬可并入兵部翰林尚寶欽天可并入吏部何者緒紛也

今擬御史府黃門院特設高職司言責有所束恐不得盡也成

均特設尊教也。通政特設為違章奏亦不可更有鈐制者也。金
吾羽林特設兵權不可專一且隱然天子自將也。若曆象太卜
周禮原屬宗伯二司宜入禮部。岐黃周禮屬冢宰今無吏部宜
入工部以之制藥亦工事也。
都給事即今之掌印給事中也。與他給事職品并同。院官凡十
三人而士止六人何獨少也。意誤耳。
至翰林院則直當去之。思錄辨曰翰林院始于唐。唐制乘輿所
在必有文詞經學之士。下至醫卜伎術之流皆直于別院以備
燕見。而文書詔令則掌于中書舍人。未之及也。乾封以後始召
文士元萬頃等草文詞謂之北門學士。玄宗初置翰林待詔以
陸九齡張說等為之。掌四方表疏批答。又改翰林供奉為學士。
別置學士院專掌內命。凡拜免將相號令征伐皆用白麻。其後

選用益重禮遇益親至號為內相又為天子私人而翰林院始
甚重然所謂學士皆以親疏遠近為貴賤未嘗有一定之品秩
也宋始有定制職始貴顯至于今制則直以為儲相之地夫宰
相天下安危之所寄也當取洞悉國體民情者豈可徒取文辭
之士乎明代大學士即相臣也不用歷練禮樂兵農親嘗民事
之官為之而但以科舉高第選入翰林弄筆磨墨坐至館閣高
拱于慎行等身為學士而即非之矣今既不用以儲相而尚存
其官何為者禮樂制誥諸事已在禮部備顧問則郎保端揆任
也何為重出顏習魯先生曰今世以翰林修撰編檢為第一清
要之職何唐虞聖帝命官詔收竟忘此一銜也誦讀浮文之禍
害及官政民生可嘆也夫
曆象太卜考工岐黃不用士謂之雜途則猶宋明書生氣習而

非古也。天下當為不可不為者，皆正途不可言。雜有其途，雜而
帝王尚用之者乎？名之曰雜，是教之輕節自喪矣。周禮醫師上
士、獸醫下士、考工埴子、六卿太卜為下大夫、太師下大夫、小師
上士、矧羲和欽若昊天以授人時、為堯舜用人行政之官，而乃
曰雜途，令出身非士者為之乎？今擬縣醫官以藝能科習醫者
為士，屬縣工查核。然小官以天文科不貢于京師，曆象司者為
士，屬縣正查核。惟伶官或士或非士，不拘然必以品端業精者
為之，不名之雜流也。至其下之非舞抃而但吹彈歌咏者，仍當
用賸暇以伎藝人有用。
邦辭近于兵，當隸之縣尉。而縣司工者不可官名。縣邦即曰縣
工可也。

建官第三

平書曰品級奈何九品有正有從官多故耳設官既少何必然
 去其從但為九品可矣公孤不臣也在品級外相國金吾大將
 軍為一品六卿都御史大司成侍郎羽林大將軍為二品通政
 使亞卿副都御史少司成侍中為三品中書令給事中外史為
 四品司業中大夫納言為五品都尉羽林郎為六品中書舍人
 監察御史為七品四司正俱六品副七品同知八品藩王不在品
 級內有議州牧二品州藩師六曹四品三監七品太守五品郡
 師六廳七品三監八品要縣上縣令七品學師六衙八品三監
 九品中縣下縣令八品學師六衙九品三監亦九品有議在後
 錄原祿奈何一品歲祿米二千四百石錢一千二百貫帛三百
 端布五百端公孤食一品祿二品米二千石錢一千貫帛二百

端布三百端三品米一千六百石錢八百貫帛一百端布二百
 端四品米一千二百石錢六百貫帛八十端布一百二十端五
 品米八百石錢四百貫帛六十端布一百端六品米六百石錢
 三百貫帛四十端布六十端七品米四百石錢二百貫帛二十
 端布四十端八品米二百石錢一百貫帛十五端布三十端九
 品米一百二十石錢八十貫帛十端布二十端選士米錢比九
 品無布帛上士米百石錢六十貫中士米八十石錢五十貫下
 士米六十石錢三十貫鄉師鄉官司生俱有米二十四石錢十
 二貫有議上者足以養其廉下者足以代其耕如此乃得盡以
 田業農以貿易業商而不使鄉大夫士尊農商之利矣銓選之
 法奈何一則以途為升降不以途雜之一則別賢否為舉
 錯不以年勞限之一則公用人之權于天下不以一部專之端

命可入為中書舍人監察御史舍人御史中丞
為中書舍人監察御史舍人御史中丞

為納言有議亦為郡守而後可以選郡守
為納言有議亦為郡守而後可以選郡守

半中書令給事中可為郡守而後可以選郡守
半中書令給事中可為郡守而後可以選郡守

可出州牧可為郡守而後可以選郡守
可出州牧可為郡守而後可以選郡守

而共官止矣此一途也縣少司成待中可為
而共官止矣此一途也縣少司成待中可為

大司成而其官止矣此一途也縣少司成待中可為
大司成而其官止矣此一途也縣少司成待中可為

農部中大夫農部中大夫可出為州藩司農可為
農部中大夫農部中大夫可出為州藩司農可為

少司農少司農可為大司農而其官止矣此一途也
少司農少司農可為大司農而其官止矣此一途也

郡治中亦入為司業司業可出為州藩宗伯州藩宗伯可
郡治中亦入為司業司業可出為州藩宗伯州藩宗伯可

入少宗御少宗御可為大宗伯而其官止矣此一途也
入少宗御少宗御可為大宗伯而其官止矣此一途也

樂經史文學正可為郡禮樂經史文學治中郡禮樂經史文學

治中可入為禮部中大夫禮部中大夫可出為州藩禮樂經史

文學宗伯禮樂經史文學伯宗可入為翰林院令史而其官止

矣此一途也在後議縣尉可為郡別駕別駕可入為兵部中大夫

或二衛都尉羽林郎兵部中大夫都尉羽林郎可出為州藩司

馬州藩司馬可入為少司馬少司馬可為大司馬羽林大將軍

大司馬羽林大將軍可為金吾大將軍而其官止矣此一途也

縣督可為郡司理司理可入為刑部中大夫刑部中大夫可出

為州藩司冠州藩司冠可入為少司冠少司冠可為大司冠而

其官止矣此一途也縣郵可為郡典方典方可入為地部中大夫

夫地部中大夫可出為州藩司空州藩司空可入為少司空少

司空可為大司空而其官止矣此一途也縣同可為郡節史節

史可入為貨部中大夫貨部中大夫可出為州藩司均州藩司

城可入為少司均少司均可為大司均而其官止矣此一途也

縣三監判可為郡三監丞郡三監丞可為州藩三監尹亦可為

京師同知監尹同知可為司副副可為正而其官止矣獨屠象

司專設于京師但以天文生為同知同知為副副為正可矣京師

有附生故凡生不必取于外外惟縣有附生郡之生缺則取

附生之善者補取于郡或附生學習其業者與科法有缺則以

之有議在後此雜途也陞以其途降以其途所謂以一途為

陞降不以他途雜之者如此三載考績天子考相國之賢否相

國考卿貳大臣州牧藩王之賢否府部院衛各考其屬之賢否

州牧藩王各考其屬與郡守之賢否郡守各考其屬與縣令之

賢否縣令各考其屬之賢否縣上之郡郡上之州藩州藩上之

府部而俱上之天子外則巡按御史核其實州牧藩王又考內

則御史府黃門院核其實定為上中下三等上者加級賜金級加

即平其級中者留下者黜三者而後陟其上或留或降其中有
殊績者不次用之而巡方御史又歲一按之州牧藩王又察其
賢不肖之尤者不時舉劾之所謂別賢否庶舉錯不以年勞限
之者如此凡府部院衛州牧藩王有缺兩相國各舉賢才可異
聽天子所命都御史參之有不當給事中駁之御史糾之凡府
部院衛之屬則長貳除之以名聞不當御史糾之州藩之屬除
于成均六部郡守及要縣上縣令除于侍郎與副都御史中下
縣令及郡縣之屬除于州牧藩王俱以名聞四司之屬各除于
其長而以名聞于禮部三監則尹除于州牧藩王丞除于守判
除于令守令以名聞于州藩其黜陟也亦然所謂公用人之權
于天下不以一部專之者如此
藩王亦不必出品以啟僭越之端也藩侯同異姓當皆高二品

惟同姓本一品者居藩仍一品食其品祿

金吾大將軍品與宰相等在六卿上權偏重矣宜與六卿及羽

林大將軍同為二品

御史之品明太祖以其權重故小其品然食七品祿似薄當與

中書舍人俱六品郡師六應亦當六品要上縣令六品學師六

衙七品以親民之官祿宜厚也中下縣令七品學師六衙八品

衙品尊於醫卜公正以便考核也

邦師當以中士為之或致仕官有精加願為者亦任之祿米二

十四石似少即以中士之祿祿之有異能者問除縣師若才止

其任而善教者加品官爵祿以優之

正峻巡食中士祿授九品官者食九品祿公正中下縣九品統

五鄉五千人要上縣八品統十鄉萬人或八鄉八千人各食其

品之祿

居官惡浮躡亦惡疲憊况紳言為天子耳目而可以才懦者為

哉宜更曰舍人御史可為紳言出為郡守郡守可入為中書令

給事中納言亦為之

治中亦入為司業司業可出為州藩宗伯二端不妥既分兩途

乃復糾纏何也宜更云治中可入為禮部中大夫禮部中大夫

可出為藩侯宗伯

觀下入為翰林院一條乃知上之糾纏不清者以此也愈知翰

林院之當却矣

著下之官亦即縣而郡而藩而京以一途陞之若縣判缺則以

京師之士除之士除官皆勿遠其家醫卜秀士學成為醫判士

卜判士即則取之縣藩則取之郡京則取之藩不必京置附生

學習必附衆師而亦直取之縣不必有附生以京師為
附生學習而無祿不可居也惟縣醫卜下士郡醫卜中士著醫
卜上士京醫卜選上其俸祇如下士中士上士選士之半以醫
卜為人評選不能却飽遺可以養生也
郡縣除官之法愚援云郡守除于侍郎副都御史郡師郡屬除
于藩侯要上縣公正除于通政掌印給事副都御史中書令縣
師除于司成之貳縣屬除于六部之貳及金吾羽將林軍中下
縣公正除于藩侯縣師除于藩師縣屬除于藩曹凡縣令皆除
于藩侯以上俱名聞于端揆府御史府達之天子不當駭之內
則給事御史駭之糾之外則巡按御史糾之鄉師正峻巡命于
郡守以名聞于藩侯長命于縣令郡命不當縣令爭之縣命以
公正及正峻巡舉之藩侯巡按御史皆察之至間有保長之為

正五峻五巡者。縣舉于郡。郡以名聞藩。而用之。正峻巡為六衙者。縣舉于郡。郡舉于藩。藩聞于兩府。達之天子。而用之。

建官第三下

平書曰太倉陸世儀云從來帝王之家處宗族為難尊其位重
 其祿固親親之道然過于愛柔不為限制宗繁費大為惠終窮
 亦國家莫大之憂也夫子孫之親與祖宗等祖宗當以親盡為
 隆殺況子孫而不為之差等乎宜以古禮為準上則高曾祖考
 下則子孫曾玄皆以四代為次第如天子之庶子則為皇子皇
 子之子為皇孫以下為皇曾孫皇玄孫其祿以漸而降至皇玄
 孫則不降不可降也皇子之庶子又為王子其下為王孫王曾
 孫王玄孫其祿亦以漸而降至王玄孫後則不降不可降也如
 此則無過重之憂亦無失所之患庶幾情義兼至矣崑山顧炎
 武云漢唐之制皆以宗親與庶姓參用入為宰輔出居牧伯者
 無代元有宋不立此祿而明亦然崇禎時始行換授之法而教

之無素。梁之無術。未見有卓然樹一官之績者。三百年來。大臣
畏辟不敢言。至天子獨斷行之而已。晚矣。然則親賢並用。古人
所以有治。人心者。後王可鑒乎。又曰。閔管蔡之失道。而作棠棣
之詩。以親其兄弟。周之所以興。懲吳楚七國之變。而抑損諸侯。
至于中外。殫微本末。俱弱西漢之所以亡。惟聖人以至公之心。
處親疏之際。故有國長久而天下蒙其福。此二說者。俱至當然。
微有可議者。請參其說。而用之。有一代之天子。必有一代之皇
子。是皇子無窮。而王孫亦無窮。祿終不可繼。若皇子出封為王
者。祿米萬石。錢五千貫。帛千端。布二千端。有議王世子為公
衆子為侯。公之世子為侯。衆子為伯。侯之世子為伯。衆子無爵
伯之世子為某王。宗子百世不易。而王衆子侯之世子為伯。其
衆子與伯之子俱無爵矣。此以四代為限之義。而宗子百世不

易則親親之道未嘗不篤也乃祿則遞減公米五千石錢二千五百貫帛五百端布一千端侯米四千石錢二千貫帛四百端布八百端伯米三千石錢一千五百貫帛三百端布六百端宗子則米千石錢五百貫帛百端布二百端使奉其祭祀宗子外皆無祿則祿固有限矣王之官有六二長史四贊善一曰左春坊左長史王之師也以縣師為之比于郡師教王以修身事君事親睦宗使下之道禮樂兵農射御書數經史文章之學一曰右春坊右長史王之相也贊王之德行言動主其庶務內而宦者外而屬官宗族莫不統之而舉刻其賢否以縣令為之比于舍人御史一曰儀禮司贊善主王之祭祀朝聘燕饗昏喪之典一曰會計司贊善主王祿之出入節其盈縮而為之息一曰護衛司贊善主帥兵為王宮之衛司扈從備田獵一曰刑罰司

贊善糾王宮內外侍御宗族之不法。及為王刑其所譴責。皆以
縣佐為之比。于郡佐自王以下。公侯伯俱設宗子。則不設而學
于縣師。但務皆攝于縣立宗學。設宗學師如鄉學。教宗室之童
子成者入縣學。為士與民同。職以上有不能農工商聽所為。以
養其生。亦與民同。但不得為隸為僕耳。宗室之籍。宗子掌之。宗
室之事。宗子主之。宗室之善。宗子帥之。宗室之不善。宗子禁之。
宗室之賢。和宗子舉之。宗室之顛連。無告宗子收之。可請祿宗
法由此立矣。宗子既後為之立後不絕功德者亦不立而宗室
之賢無官不可為。但內不得為相。以遠嫌。外不得為收。以可以
高藩。王與異姓別。夫同姓原借其藩屏之力。不在從與異姓參
用于軌觀。唐宗室之為宰相者。至十有一人。其他可知。乃始不
能制武氏之篡。中不能除安史之凶。終不能定黃巢朱溫之亂。

以同姓雖多無兵力故也漢初則以齊代而平諸呂其末猶以
荆益而興昭烈苟無尺土一民何能濟哉故宗藩權重固為禍
階而宗子維城之助必不可少若如愚議藩王與州牧並建廢
世守之制三考黜陟一聽于天子內外相維親疎相間有封建
之利而無封建之害又何慮焉于皇子之為王者如舊制分封
後用之為藩王罷若夫有開國之勲與後之定大難成大功封
之公侯伯使其子孫世襲者亦在品級外有議然有爵祿而無
歸仍為其本王官必擇賢者因才以官之官之則一從官之制不論世爵其子
弟之入學者與庶民同其統宗族與王之宗子同而宗法亦可
立矣若功有大小或止其功或其子孫而限以世無不可也
外此又設九等之爵分九品以待武功曰上柱國曰左柱國曰
右柱國曰輔國將軍曰鎮國將軍曰都督曰光祿勳曰散騎常

待曰指揮使或止其身或其子孫而限以世無不可也又設
五等之爵自五品至九品以為恩錫曰朝列大夫曰奉議大夫
曰承德郎曰迪功郎曰登仕郎皆止其身或有祿或無祿無不
可也如此則有功而報以爵祿者不致于瘵厥官恩澤而加以
爵祿者不致于濫名器官亦有不清者哉至宦者雖不比于臣
工然既天子侍御亦不可不加之秩使其紫衣者為七品曰太
監綠衣者八品曰少監藍衣者九品曰近侍無秩者青衣分以
職而別其事如舊制足用而已不多設但為天子司冠裳飲食
書籍器具備使令供洒掃稍關政事者不任也東宮后妃之宮
及親王藩王俱用之其數遞減而嚴為之所如太祖舊制交通
外官預政者必殺無赦庶可永絕其禍而宮闈亦得其用矣
刑而不殺於戲有明宦官之禍最烈然烈皇帝初誅魏奄盡削

宦官之權歸之縉紳乃悍患禦侮無一可恃之人而競門戶肆
姦欺者比肩林立君子小人同歸誤國不得已又用宦官而事
益不可為顧炎武曰昭王歎息畏良將之已亡武帝咨嗟惜名
臣之已盡而燎原靡撲過涉終凶可為痛哭者矣於戲是豈一
川之故哉蓋由取才既不善官制又不善天下之壞已久遂致
魚潰肉爛不可救川宦官亦亡不用宦官亦亡有天下者可不
于取士建官三致意乎
皇子即當封侯爵以公古公侯一等而不可稱王也公之世
子為伯眾子為男伯之子為眾子男子無爵世子男之世
子為宗子眾子無爵宗子則四世矣以下百世不降如男之世
子不肖于兄弟行擇立以後不賢亦可黜之別立但有族則不
絕其後以親親也

公祿當視一品伯祿當視二品男祿當視三品宗子祿當視四品
公祿當視一品伯祿當視二品男祿當視三品宗子祿當視四品
品以合古制周封周召管蔡與太公等無異則伯叔兄弟之親
祇可同於異姓之高賢而無所過一古制也殷周天子千里子
弟有功而封大者不過百里千里為方百里者百是子弟取君
百分之一而已極也今一品米二千四百石百之為米二十四
萬石錢一千二百貫百之為十萬貫帛三百端百之為三萬
端布五百端百之為五萬端節儉之天子恐宮中費不及是矣
則取百分之一以為皇子用豈為薄焉二古制也且皇子教之
成均伯子男子教之各處之學師必考其性質開明德行乎順
然後皇子封以公公子封以伯伯子封以男若愚頑狂惑則皇
子宮中養之公伯子擇賢封之無賢則量予以祿養之二贊善
公侯只可立二長史品如中下縣令要上縣公正陞之二贊善

佐之品如中下縣衙中下縣公正陞之以不治民不必多官也
一左主教導王以道藝及朝祭五禮賓客宗族諸儀一右主輔
上之事及御下用財兵衛刑賞舉劾諸務伯一長史一贊善男
惟一贊善公兵撥之所在郡縣以備扈衛田獵而已不過五十
名伯四十名男三十名

長史不必名左右春坊以此為隋唐官名公侯用之非宜
也贊善主王祿而為之息非體也前云士不得奪農商利而况
侯伯乎况予出納以求息乎

公伯男宗子之子皆命所在學師教之亦限以歲帥宗室子弟
則皆同民由鄉學而縣郡以上進賢退否不必另設宗學以古
世子皆入太學與庶民齒讓無二學也
宗子內當補一節云宗室有罪宗子與縣令合審之詳之落侯

達之天子而成之刑之于隱處不于市

唐宗室無兵加不能定亂而晉以主懦諸王擅兵遂自屠戮亡

其宗社愚以為宗室為藩侯者當有兵柄以為屏翰為內臣者

即相亦可居但大司馬與金吾羽林兩大將軍則不得為以遠

嫌耳

衍聖公亦祿視一品令藩侯併其賢立之其後不賢者亦可廢

之行輩另選至曲阜令一如他處縣令不用孔裔

功臣受封者大功亦不得過一品如同姓以次而降

武功爵當從四品起分六等以公伯男從一品起此當降之故

從宗子之品起也

取士第四

平書曰古之教士不外六德六行六藝而上士中士下士皆士
 也而國任事分猷以備卿大夫之選故多練達敏弘毅之才
 未有不先以讀書能文為士者徒讀書能文且不足為士况所讀
 不過八股之文又出于唐宋明經進士之下哉嗟乎人才靡弱
 不振至宋已極而明殆有甚焉蓋上之所取在是則下之所趣
 亦在是既以八股為科舉則天下惟知習此之為學惟知習此
 之為士舉凡德行道藝與所以致治勸亂之具概置不問一幸
 登第則政事聽之胥吏心力用之營求貪富貴競門戶而無事
 則徇私以釀禍過變則置安危于不顧非天恩良有用之科舉
 所能是或壞朝廷者士而或壞人才以為士者朝廷也故士必
 養之善而後取之精取之精而後用之當昔宣宗嘗謂楊溥曰

教養有道。人才自出。徒循三載考績之文。不行三物教民之典。雖堯舜不能成允釐之治。至哉言乎。非三代以下賢君所能及。然則不行鄉舉里選小學大學之法。不足以得人。才而不廢科。舉不能行鄉舉里選小學大學之法。所必然矣。每鄉立一學。曰鄉學。統于縣。縣曰縣學。統于郡。郡曰郡學。統于州。藩州曰州學。藩曰藩學。統于京。各立一師。京曰太學。大司成主之。而統乎天下。凡鄉人之子。有聰明俊秀者。八歲有異質者。即五七歲亦可。但不可過父兄言于鄉正。而入之鄉學。謂之鄉學生。鄉師教之。孝父母。敬長上。習幼儀。認字。諱書。習小九九字。以為數分。門認之。即如天文地理之類。為一卷。行八卦之類。為一卷。即解其義。即使書寫。以十字為率。三年不可寫萬字。而復學。其明其義。能依其詞。而不可不率。教者責不可教者黜。

可教者教之五年可成矣教不成年十三歲入縣學在後曰縣學
生縣學生生舍于官縣學教之孝弟忠信禮義痛耶大學修已治
人之逆讀孝經四書原大學用習一經兩雅為八易一書一詩與
公教一禮記一看通鑑以資治通鑑并前編續紀定為簡要一
儀禮一禮記一看通鑑書使習通鑑并前編續紀定為簡要一
也讀古人有關世道明暢之文選一一定本小錄多習騎射武藝
惟分兵利習六書九章定州師指授限日書一解習騎射武藝
即或作策論不計世成障上諸業教之有詞費不貴詞等不率
教者責不可教者黜可教者教之五年可成矣教不成者再
鄉師月一薦其學生之優者于縣師不必優者縣師召而考其優
者以賞罰之即以為鄉師之殿最有議縣師三月一薦其學生
之優者于郡師郡師按縣考其優者而賞罰之即以為縣師之
殿最郡師歲一薦其屬縣學生之優者于州藩師州藩師按郡

召而考其優劣以賞罰之即以為郡師之殿最總之州藩師督
郡師郡師督縣師俱無學生學生俱在縣若縣學教成之後十
八歲而冠進之郡學郡師教之三月察其德行試其學藝善進
之州藩州藩師教之三月察其德行試其學藝善進之成均司
成教之三月察其德行試其學藝善進之歸分科
以為士其不善者成均退之州藩學州藩學退之郡學郡學退
之縣學各以多寡為其師之罰而更教之而更進之分科者縣
令集太學生會師與丞正尉督郵同公量其才以定其科有專
科十曰禮儀曰樂律曰經學通明十經曰史學通考二十曰
文學博通古曰農政曰兵法曰刑罰曰方域兼習方域曰理財
兼科二兼六科者農禮兵刑方域理財兼五科者禮樂經史文
學有議共十有二科分之八署使各習其事兼六科者令署兼

五科者師署正署禮樂經史文學各入其正署農丞署兵尉署
 刑督署方城郵署理財同署皆元定數而均分之惟兼科皆以
 此多即其署之士而為之附曰秀士三年明習厥事乃實授之
 如下士始有祿授室蓋二十一歲矣其有學成遲年歲過者不
 拘且夫朝廷以書生胥吏治天下久矣胥吏終身窳宅于文法
 而以書生臨之猶以嬰兒御豪奴悍婢且遞更其主其亡家喪
 產無足怪然為政者以為舍此二者事將莫與理若如此法養
 和為士使之治事如吏而革生員革書辦廢二以為一即舉之
 以為官則二者之害除而士皆卿大夫之選非三代之良法乎
 其官之奈何縣曰下士郡曰中士州藩曰上士京師曰選士京
 師取之州藩州藩擇其尤者而進之州藩取之郡郡擇其尤者
 而進之郡取之縣縣擇其尤者而進之凡要縣上縣之官缺則

府部院衛舉選士之賢才著除者之以其名聞中縣下縣之官

缺則州牧藩王會六曹舉上士之賢才著者除之以其名聞凡

入縣學必鄉師鄉老宗族舉其孝弟而後縣師乃受由縣學而

郡學而州藩而成都必皆其師舉其孝弟而後受偽者罪之舉

連坐及為士由縣而郡而州藩而京師必皆其長各舉其廉能

而後受偽者罪之舉連坐至舉之為官益慎矣孰有徇私妄舉

以自累使國家不得真才用之哉不孝不弟不廉不意養之善

取之精用之當人和策出不出三十年濟濟不可勝用矣若夫

自鄉學黜者改業農軍商工亦可以養身亦不至為莠民自縣

學黜者可以習天文習卜習醫有後習制器入司監為生亦可

以進身亦不至于廢放中士下士過五十不得為上士選士者

即退為鄉師補選為士者亦可為朝廷教士亦可食祿終身

不致困窮無所用如此則舉天下無一棄才盡天下之才供天
下之用豈不勝于科舉之法百倍且過于秦漢之法倍蓰哉詩
小成人有德小子有造古之人無教譽髦斯士特歎休哉予日
夜望之矣
教士之道不外六德六行六藝自顏先生倡明此學而今學者
多知之卓哉見也雖樂正有四術之名師氏有三德六德之稱
州衣黨正知非一地司樂大胥教非一職米廩馨宗副非一代
庠養序射學非一名而總不外智仁聖義忠和之德孝友嫺任
如之行禮樂射御書數之藝而已尊德性以此道問學以此隆
居以此行義以此所學即其所用即其所學此府修事和
之世所以治用隆也漢後漸趨諱讀而輕行藝漢武帝置五經
博士以教弟子光武取聰明有威重者一人為祭酒晉武益以

助教。隋煬改太子學為國子監。初置司業一人。丞三人。唐龍朔二年。改國子監為司成館。祭酒為太司成。博士為司成。宣業後。又改為成均監。總之不離于傳經誦讀而已。雖齊高帝建元中。置治禮吏。陳有律學博士。隋開皇中。書算學各置博士。唐亦有書算學。學之設然于古法千百之什一耳。明太祖卓然以六藝教士。而行之不久。又復變更。漢晉辭賦。三唐詩律。宋明古文。加之經儒註解。專以筆墨著述為第一。學問胸中。厨貯筆下。懸河而出。而應世文。靡書。鼎范然如童婦。觀梁王繹敵兵臨城。猶君臣倡和為詩。及敗。將降。魏焚古今圖書十四萬卷。以劍擊柱。嘆曰。文武之道。盡矣。讀書萬卷。猶有今日。嗚呼。徒以書為文武之道。文武之道。所以亡也。讀書萬卷。猶有今日。豈知今日之禍。正在讀書萬卷哉。至流而為時文。愈可怪歎。日日揣摩。年年背讀。

閉戶偏首偶閱一世事則亟走恐亂之氣息柔脆如婦人
迂澗如天癡是曰醇儒及一入仕籍乃榮以強加有為使司禮
樂兵農是墨之患而白之慕也所學非所用所學且學
正壞其所用用正背其所學以致天下無辦事之官廟堂少經
濟之臣民物魚爛河決誰遺之禍哉哲人變法不再計而決矣
文字除經史及禮樂兵農天文地理刑射御書數醫卜技藝
諸正書外凡詖淫子書元用語錄文集四六時文經書俗下詩
章小說二氏邪說俱宜焚而禁之
春秋公穀傳簡畧且多訛誤可簡涉獵不宜名一經令士分習
也十三經當更名九經易一書一詩一爾雅一周禮儀禮禮記
一皆禮也孝經一春秋一三傳論語一孟子一大學可從禮記提
出專讀若中庸不入其中不必令幼學人人誦之以天命鬼神

費隱孔門所以詔上達非中人小子人可語也
八歲以後能通萬字即有誦讀矣何以曰不讀書也但不專讀
書耳十三歲尚未成童即離家而宿縣寓似早且年稚難習騎
射十八歲前後有聰明者十三經廿一史即可涉覽至從成均
曰分科而將入仕設經史二名却又非宜今妄為訂正以俟用
者擇焉八歲入鄉學鄉師教之孝弟幼儀認字習九九數讀孝
經論語大學孟子至易書詩詩兩雅與春秋附三周禮儀禮禮
記三禮各為一則各肄其一習小樂小舞十五歲冠入縣學教
之存六德行六行講究經世濟民之道看通鑑及古人有用之
文如治安策習禮樂騎射六書九數作策論聰穎者使之通涉
獵九經廿一史二十有室教成者進之郡學教之三月察試德
行學藝進之藩學教之三月察試之進之成均司成教之三月

察試之考士以德行六藝策論但取通曉不以此定之若謂之

太學生遺之歸如後則多奇類難行或中原地近王都者學三

親入成均教試如遠地則多奇類難行或中原地近王都者學三

藩侯處教試如遠地則多奇類難行或中原地近王都者學三

曰樂律經史有用之文即附二科內曰天文曆象占卜術數即

附其內府象雖博或于京師而自縣士分科習成始進京司為

正若如州府之命而差設使而洋人直而試攻之豈非中國之

自若如州府之命而差設使而洋人直而試攻之豈非中國之

能明者可以理和說而惑世曰農政曰兵法曰神罰曰藝能方

域水學火學醫道皆在其內醫也寄生死亦不可以非士者為

監判士曰理財曰兼科如天文之藝能二科兼之共九科分之各署

兼科者令署師署農丞署禮樂正署兵尉署刑督署藝能工署

理財同署惟卜隸正署而入于卜署醫隸工署而入于醫署皆

無定數以需人數為多寡至實授下蓋二十四歲矣仕前此元
父兄或士或農工商者養之至有積其鄉師薦優也三小一薦
有妻自成家室父為農者不奪其業其鄉師薦優也
縣師薦優也半年一薦郡師薦優也一年一薦以鄉師一月一
薦縣師一月一考太數也

縣師一縣一人恐不能盡教闔縣之士也且縣學生入縣學五
年離縣遠者不資亦親而左方父兄之議亦不復矣當每縣設
五太學師一在縣四在東西南北四鄉鄉小學教成者各以附
近入於太學教之五年而各進於郡學縣或有小者三四皆可
用人以一途為陞降仕不違其才用得盡其長千古之善政也
獨是要上縣官缺舉選士除之中下縣官缺舉上士除之未有
明文定途愚擬要縣上縣縣令缺以要上縣公正陞之公正缺
以黃門院通政院御史府端揆府之選士除之縣師缺以成均

府之選士除之縣丞缺以農部之選士除之縣正缺以禮部之
選士除之縣尉缺以兵部金吾羽林之選士除之縣督缺以刑
部之選士除之縣工缺以工部之選士除之縣同缺以貨部之
選士除之中縣下縣縣令缺以中下縣公正陞之公正缺以藩
府按院之上士除之縣師缺以藩師之上士除之縣丞缺以司
農之上士除之縣正缺以宗伯之上士除之縣尉缺以司馬之
上士除之縣督缺以司寇之上士除之縣工缺以司事之上士
除之縣同缺以司均之上士除之凡縣鄉師缺以郡守郡師之
中士為之鄉正缺以治中司理之中士為之鄉峻缺以藝郎之
中士為之鄉巡缺以別駕典方之中士為之司市缺以節史之
中士為之鄉師以下皆以本鄉之人下士轉中士以次上陞或
才祇堪下士者終身其職如秀士不堪任下士與任下士而才

亦不稱者。則退為農與工商。自縣學興。與進之。郡藩成。均被退。而終不能進為士者。皆命改業為農工商。平書曰。習制器亦工事也。

學校立而選舉善上也。然當學校初立之時。人才尚未就緒。須先以徵辟用之。即定制後有奇才高士卓然翹楚者。于學校選用外間一行之。亦可鼓勵天下也。

制田第五上

平書曰。孟子以制民恒產為王政之本。然則民產不制。縱有善治。皆無本之政也。辟諸室基。固者即壁。倘有損不傾。基不固。雖極雕繪之觀。一遭風雨。立覆矣。三代以下。百姓未嘗無治安之時。乃多不過數十年。少則數年。即不得其所者。本不立也。然自秦開阡陌。盡天下皆私田。人君何由制民之產。以立王政之本哉。漢限田矣。限之一時。不能限之百年也。魏均田矣。均之一時。不能均之後世也。尤不可者。奪民田以入官。本欲養之。乃先奪其所以自養。凡有田者。能_不怨咨。駭擾。致離叛之意乎。坐視之。既不忍。欲養民。又無策。仁者將何道以處此。曰。吾有收田之策。六行於草昧。初造固甚易。即底定之後。亦無不可行。蓋誘之以術。不劫之以威。需之以久。不求之以速。有議。一曰。清官地如衛田。

學田之原在官者清之使無隱一曰闢曠土凡地之在官而汚
萊者開之不棄之無邪一曰收閒田兵燹之餘民戶流亡而田
无主者收之有歸者分田與之不必復其全業一曰沒賊產凡
賊臣豪右田連阡陌者沒之入官四策行田可得什二三矣其
二策一曰獻田一曰買田明告天下以別民恒產之意謂民之
不得其養者以無立錫之地所以無立錫之地都以豪強之兼
并今立之法有田者必自耕毋募人以代耕自耕者為農無得
更為士為商為工士矣商矣工矣不為農不為農則無
田士商工且無田况官乎官無大小皆不可以有田惟農為有
田耳軍有田亦自耕天下之不為農而有田者願獻于官則報
以爵祿夫自登仕郎至中憲大願賣于官酌以資酌不能依其原價
之數數歲如願賣于農者聽但農之外無得買在後議農之自業

端前滿廣二尺深一尺五寸澇可洩旱則水可車而入隣壘共
之也黃麟次百壘外洩環之廣六尺深四尺通于澮澮廣八尺
深六尺上下通于川此水道也不在壘田內官道廣八尺通車
馬停為澇廣二尺深四五尺通水水澇道不設種樹道傍以為
蔭而田路曲折建于官道者二尺而已本司禮而若賦稅惟取
之公田每頃約收百石今之中縣田率數萬頃以歲下計之田
約一萬二千頃公田可得二千頃歲可入穀二十萬石高米十
二萬石縣用約三萬石存三萬以四萬人之郡郡入約二十餘
萬石用約萬餘石官田在縣者以熟節學生存五萬以十五
萬人之州藩州藩入約七八十萬用約十萬歲有軍二千番入
京二三十萬存三四十萬以備凶荒之用賑濟之資軍旅之費
宗室及處衙官之祿京師歲入約六七百萬用約二三百萬餘

皆太倉之積矣。况上縣之田，或十倍于下縣，大畝或十倍于小畝，計其所入，且十數倍于此，而粟可勝食乎？凡私田，俱無租，但戶納絹三尺，綿一兩，或布六尺，麻二兩，丁歲役之三日，如唐庸調，則此官田也。其未歸于官而農自種者，為民田，賦稅徭役悉如分不增亦不減，其重自信于官田，彼見官田也。如彼民田如此，何苦不歸之官乎？而更受之于官乎？如此則天下之田盡歸諸官，無疑矣。至于果園菜圃之在官者，募民種之，而收其半在民者，計畝取其什一而已。因戶俱附噫以二千年不可復之法，一旦而復之，使民之恒產立，而王政有其本，于是通商賈以資之，修武備以強之，興禮樂以化之，豐亨豫大，天地位而萬物育矣。

井田不可與封建並論也。封建不宜行，而井田必宜行也。不行

則民不能家給人足即聖君賢相世世補救差免流亡而苦樂
不均怨咨疾痛無可如何且不行則不能寓兵于農即曰于農
民望之而必不能田賦共出定為幾家出一兵幾十家出一兵
何者以民有田無田多田少參錯不齊不可以供億也民不
溥所養則貧兵不出于農則弱貧弱之天下可久支乎故曰井
田必宜行然井田又不可與選舉並論也選舉易行而難壞井
田難行而易壞也雖曰人才久養乃出然學校三物以之教士
即以之取士化隆積久法定崇朝況以功名奔走天下彼辭賦
時文至無用山勞人子猶罕精傷訖以應之今使自成一德
自理其行自善其居身治人之具以尊于四民上有不風行而
草偃耶而誰輕變耶至仁賢之修其爵不邀人爵者又不待
言矣故行之易而壞之難非田則不然削多益寡不能驟削招

集流亡不能驟集遷科民而之荒原不能驟遷如紹興一地聞
其家與田相當每家不能一畝則必遷十之九而後可也或
均或不均則法不一必易亂立驅盡均則勢難行或中阻平書
曰需之以久愚以為久以待之即不行之說也賢君立法必身
親收其成者乃可立若曰百年必世而吾法始就則君相一身
豈必永歷年所而曰待後之人漢高祖唐太宗子即不振矣將
事未結而已壞如之何況此易壞之政也君之下惟臣與民耳
今為臣者皆不許有田則才技之士思以宦索斥地長子孫者
不便矣凡民不得過五十畝則豪雄思兼并者不便矣阜夔稷
契幾仰皇靈之派幾仰勢必黃鼓邪說君相一無主折而從之
矣其難興而易壞不坐可測哉若必欲行則宜尋法焉三五
年即產鮮有定而不得為遲久之說也且必開誠布公雷動風

行以爲一勞永逸之計若誘之以術則蘇洵父子國策之習言
耳無所用之治化之所言百年之法謂

不使募人代耕則兼貧者雖欲多得田無所用之意甚善也但

耘獲之時三五日為強以者不論惟不得有常工高之治田耳

莫絕而我言四民僕從當有定制不惟正名定分且游手無所

家強不得斥而后農田可均也愚意農工商無僕農僕以子

弟工僕以從學者商僕以從商者惟士至官有僕而下士無之

中士上士一僕選士二僕九品三僕八品四僕七品六僕六品

九僕五品十四僕四品二十僕三品二十八僕二品三十八僕

一品五十僕居官僕不足用者用役恬靜情願少者聽之惟多

則有禁致仕則去其半

官不得有田則致仕之官當有祿凡以老病而休致者給原官

俸三之一。其子復為官，或已歸士農工商者，給十之二。如坐罪斥退者，則驅歸農工商，不予以祿。

周禮載師有士田，賈田。孟子言卿以下有圭田，而平書言官士工商皆不得有田，似相背者，而非也。給農之田，使耕也。圭田，士田等，非使耕也。即祿也。朱晦庵謂圭田，即與之公田之入是也。但士工商之子，出六七十，外願為農，而可授田者，則如實與之。田士工商老，則其子養之。士即至大官者，其子之田不奪。又工非有常廩于官，而私作交易者，與里井小商不足五十貫者，量其工商不足養，可與半產，以其身之餘力，或子田之。

制田五十畝，而又命有力者得自買五十畝，則或五十畝，或百是，自給其制也。其母然。收田于六者外，更有四策焉。顏先生曰：如趙甲田十頃，分給二

十家申止得五十畝寧不怨法使十九家仍為甲佃給公田
之半于甲以半供上終甲身一策也田多而犯罪者量其罪使
入田若干以贖二策也凡無子而死者不許養異姓子以其田
分族親之無田者有餘官收之三策也收寺廟田四策也
而治田之道有七民與田相當之方立行之一也其荒縣人少
者即見在之人分給之餘田招人來授人多之處犯罪者則遷
發至其地二也民有八分願而二分不願者古人謂民與可樂
成難與慮始雖嚴驅就法不憚也三也明白諄諭為民立命田
多者即損一時而萬世子孫永無飢寒利孰大焉四也凡藩郡
縣咬制田有方者立加爵賞五也如萬一有必不可行之地則
或一藩一郡一縣且如舊制而限田以數令多者可賣而不可
買賣田者如數而止而一縣之內則必不可或均或不均以滋

變端六也。井田。夏田。或貢。或助。或陸。或水。隨地。隨宜。無所不可。但不得過授田之數耳。每家五十畝。亦約畧言之。行時以天下戶口。田畝兩對。計可也。七也。有井有不井。則亂。此言不然。古鄉遂溝洫。都鄙井牧。未嘗不一而亂也。田制以井為主。不可井乃夏。不可夏乃奇零。授之夏田。六百畝。中百畝為公田。是六分取一也。毋乃重乎。三代之法。什一。漢乃至三十取一。明代除蘇松。勿論。大約中原重者。不過什一。今民所苦者。暴官雜派耳。非朝廷稅過什一也。然則天下概六一過矣。愚意如當行夏田者。宜廣十畝。長五十。六畝。以五百畝為十家私田。六十畝為公田耳。古給民五畝之宅。今畝大祇可邑一畝。田一畝。共二畝。其田之宅。宜如周制。于公田內給之。

六十還田有子以田與子受其養無子以窮民養之收其田惟
是有子而孩幼者收其田則非獨夫仍其田則老而無人耕種
宜徹古餘夫卽與之半產二畝令其家公佃養之其子少
長率其子佃之卽所謂疾病相扶持也待其子至二十則授田
五十畝焉若其子入學為學生者待至二十四歲有祿收此半
產另給

地分上中下兩家口因之與地有上中下而易與不易因之二
者皆古制然祇可行其一不必兼也愚意欲行一易再易之法
則家口不必分上中下矣然則家口可均乎曰非也家口亦活
法耳張文升曰以八口為率如家四口者兩家一分家十口
者一家兩分而三人五人皆可當四口七人九人皆可當八口
如此則治田出賦更為均停不然以二三人之下與八九人之

上同為一家一分則治田必有精粗出賦必有苦樂矣

平書計縣用內有學生一條考前學生俱無祿米惟至下士始有祿豈藩師郡師縣師考學生之優者賞以米乎若如此亦善

政也

上縣十倍于下縣大畝十倍于小畝以今時言也分土割田則上縣不得過下縣一倍小國五百里田畝天下如一而分上中

下焉

或謂天下之田恐不足天下之人者未思之言也天下之口食

不墜于天不湧于泉不輸于外國今時民過中歲未至饑莩相

望也况制產則地闢田治收穫自加倍蓂乃憂田少不足于養

乎惟以天下之農分天下之田無論多少而四民上下之食

皆足斷然也或謂溝洫多則損地予曰溝洫開而灌溉興田必

沃稼必茂一畝可敵陸田數畝是益田矣。溝洫費地幾何而憂
其損耶。溝洫上可獲瓜果雜蔬。詩曰：疆場有瓜。是也。且陸田若
元水泉。而又高燥平坦。不致雨潦待洩者。惟均田制產而已。亦
未嘗盡責以溝洫也。

然有一端當豫計者。計口授田之後。承平既久。生齒日夥。若又
少其數以分之。則屢易為煩。若初即荒田若干。以待其後。又惜
曠土。奈何。萬季野持此議。遂謂三代井田亦易。泉又誤。三代
荒田。常思耕復。或謂人多。使為士。子曰：士以為官。用豈初授
田時。官可缺人。而後乃補。足乎。抑士官已相當。而後之歸士者。
但使之頂帶榮身。乎以學為游。閒數乎。曰：不可。則使為工。為商。
乎。曰：越十年。生聚則吳不能當。漢晉後。每代戶口全盛時。增開
創。一兩倍。世有一農。而二。三工商者。乎。已而思周大司徒造都

部制其地域而封溝之不易之地家百畝一易之地家二百畝
 再易之地家三百畝遂人辨其野之土上地中地下地以頒田
 里上地夫一廛田百畝萊五十畝中地夫一廛田百畝萊百畝
 下地夫一廛田百畝萊二百畝今可故而行之分田為上中下
 上地如平書家五十畝中地家百畝每年休五十畝耕耨之下
 地家一百五十畝每年休一百畝耕耨之歲種易處亦代田法
 也其後戶口漸增田亦漸熟漸沃將中地之多五十畝者再分
 一家又增將下地之多一百畝者再分兩家則未分之時田原
 有上中下未為不均既分之後田各得五十畝未嘗或少曷
 依然溝澮不改雖戶口增一倍而無憂田不足也農增則用士
 亦庶可行之道也
 田皆歸官而授之民則團團亦如之曷為又有在官在民之分

乎○常○云○凡○天○下○之○田○宜○果○蔬○而○不○穀○者○令○園○戶○種○果○蔬○每○家○與
國○田○若○千○石○治○為○數○能○亦○二○十○畝○六○十○畝○什○取○之○折○米○定○若
千○不○以○蔬○果○近○都○供○天○子○者○則○以○什○一○進○蔬○果○焉
古○有○晨○起○出○民○于○田○日○暮○入○民○于○里○之○制○宋○藝○祖○明○太○祖○有○課
民○樹○藝○及○種○樹○種○菜○等○政○皆○鄉○校○保○長○事○也

制田第五下

平書曰從來治田未有不通水利者南方水利之興已久但修

其弊舉其廢置而理之易易耳水田饒沃人授四十畝三十畝

八十皆歲種可北方則不知以為利而惟苦其害徐貞明時科

臣徐光啟輔臣顏時言之詳矣謹揭其概而存之貞明潞水客談

云雨暘在天而時其蓄洩以待旱潦者人也乃北方旱則赤地

千里潦則洪流萬頃惟寄命于天豈可以常恃哉惟水利興而

后旱潦有備其利一也神京北拱財賦取給于東南謀國者懷

杞人之憂惟水利興而儲蓄近取常裕視東南為外府其利二

也東南轉輸每以數石而致一石民力竭矣惟北有一石之入

則南省數石之輸其利三也西北之地平原千里冠騎得以長

驅若涿潯盡舉則田野之間皆金湯之險而田間植以榆柳棗

粟既資民用又可以設險而備敵其利四也往者劉六劉七之
亂持竿一呼從者數萬則游惰歸之也水利興則曠土可墾而
游民有歸銷釁弭亂其利五也南則生齒日繁北則蓬蒿滿野
若招南人修水利則民均而田亦均其利六也南賦繁而役減
北賦省而徭重使田墾而民聚民聚則賦增而北徭可省其利
七也近邊田墾轉輸不煩其利八也京東負山控海負山則泉
深而澤王控海則潮淤而壤沃水利尤易今崔葦稱望若如吳
越田而耕之則神十倍先之京東以兆其端而畿內列郡皆可
漸而行也先之畿內而西北皆可漸而行也邊陲則先之薊鎮
而諸鎮皆可漸而行也瀕海則先之豐潤而逾海以東青徐以
南皆可漸而行也蓋水聚之則害哉之則柰之則害用之利
自三代以後史起白公諸人興水利者皆西北豈古以為利而

知以爲害乎夫水利之法高則開渠卑則築壩急則激取緩則疏引其最下者則以爲受水之區因其勢不可強也然致力當先于水之源源分則流微而易節田漸成則水漸殺水無泛濫之虞田無衝激之患矣光啟墾田用水議曰用水之源法有二其一源來高于田則開溝引入于田其二源之來甚高則爲梯田以遞受之蓋泉在山上其下有土尋丈以上其治爲田節級受水下入于田其三溪澗傍田而卑于田急則用龍骨翻車龍尾車之屬西洋取水器以水力激器以器轉水升于田也水緩不能轉器則以人力畜力風力今南方運器轉水于田也其四溪澗遠田而卑于田緩則引至田側車升之急則用激法起水于岸開溝入田也其五泉在此用在彼中有溪澗隔焉則溪澗爲槽而引之也其六平地仰泉盛則疏引而用之微則爲池塘其側

積而用之。若池塘易涸者，築土椎泥以實之。或為水庫而蓄之。
築土者，築土其底，椎泥者，以椎椎底，作孔膠泥實之，令勿漏也。
水庫者，以石砂瓦屑和石灰為劑塗其底，與傍而築平之，令涓
滴不漏也。用水之流法有六：其一，江河傍田，則車升之，遠則疏
導而車升之；其二，江河之流自非盈涸無常者，為之牐壩，澗而
分之為渠，引入田，田高車升之，其下流復為牐壩，以合于河；江
欲盈，則上開下閉而受之，欲減，則上閉下開而洩之；其三，江河
塘浦之水，溢入于田，則圩以衛之，水積其中，則車升出之；其四，
江河塘浦流源高而卑，易涸也，則于下流多為牐壩以節宣之，
為水則以準之，水則者，為水平之碑，置水中，刻識淺深之數，以
知啓閉之宜也；其五，江河之中洲渚可田者，堤以固之，渠以引
之，牐壩以節宣之；其六，通流近海，迎得潮汐者，淡水迎而用之。

鹹水辟壩以遏之也。川水之滯法有五。其一蕩湖之傍田者。田高則車升之。低則堤岸以固之。水有餘。車升而出之。不足。決堤以引之。蕩湖遠于田者。疏導而車升之。與用流之法畧相似。其二蕩湖有源而易盈。易涸。可為害。可為利者。疏導以洩之。肺壩以節宣之。其三蕩湖之上不能來者。疏而來之。下不能去者。疏而去之。來之者。免上流之害。去之者。免下流之害。且資其利也。其四蕩湖之瀦太廣。而害于下流者。從其上源分之。其五蕩湖之易盈。易涸者。當其涸時。除水而菽之。麥。菽。麥。以秋。秋必涸也。否則滴于冬。則菽之。春。麥。秋。以前無大水。無大蝗。但苦旱耳。故用水者。必稔也。用水之委法有二。其一海潮之淡。可灌者。迎之。易涸。則池塘以蓄之。開肺壩。隄堰以留之。潮不淡也。入海之水。迎而返之。則淡。禹貢所謂逆河也。其二海潮入而泥沙淤墊。

木

則為埤。為壩。為竇。以過渾潮而節宣之也。為源。為澮。以用水。法有三。其一。地高無水。掘深數尺而得水者。為池塘。蓄雨雪之水。與之合而車升之。其二。掘深二丈以上而得水者。為井。以汲之。其起法。有桔槔。有轆轤。有龍骨。木斗。有恒升。箭。用人力。畜。高山曠野。或用風輪也。其三。井深數丈以上。難汲而易竭者。為水庫。以蓄雨雪之水也。二公之言。俱確有經畫。但所祖虞集。募人墾地。因為世業者。固救弊之策。而與吾收田之策相背。故無取焉。又其意全在水田。夫北方旱田多。禹開溝洫。治旱田耳。觀詩書所載。五穀。率旱種。可知揚州厥土。惟塗泥。田乃下下。夫水田則塗泥固上上矣。非以其不宜於旱種乎。今於北方。可為水田者。為之不可為者。開溝洫以治旱田而已。總之。有川者。補于通。無川者。補于蓄。通之在溝洫。蓄之在陂塘。故治田宜先治水。相其

形勢去川之遠。近高下而為之。澮上有受下有。澨以地廣狹為。多寡澮成矣。然後因之。為澮為田。甚高。甚下者不田也。寧棄之。乎。高者建屋。廬種桑果。下者為塘。塘欲多。雨潦則水有歸而蓄之。以而種山有水口。則塘益重深且廣。水發收之。溢者於川無害矣。凡非產沙之地。之沙皆山水所致也。山之土多沙。隨水下于地。水去而沙留。故地多廢。此法行則沙漸滌而地可田。予又聞沙地築土用之。使雨潦蓄其中。如池。無論廣狹。刈青草投滿其中。使腐爛。水乾耕之。即變塗泥。而亦可田矣。水利盡於此。平書所謂旱田。謂陸田也。田有三。一曰水田。下地日浸水。其中藝稻者也。故周禮有稻人一官。司稼下田。詩曰。澨池北流。浸彼稻田。是也。北方下田少。則稻亦少。故孔子言。居喪食稻不如少而美之也。一曰有水旱田。旁有河或澨塘。而種旱種其上。如黍。

稷梁麥之屬。旱則用水灌之。不旱則不必用水。惟平土而菽種
之一。曰無水旱田。旁無河塘可灌。惟恃天澤。詩言霖霖雨雪。以
生百穀。是也。今水田及有水灌可者。溝洫不待言矣。即無水旱
田。而憂停潦者。亦宜以溝洫洩水。鄭康成註周禮曰。溝洫為除
水害也。尚書益稷云。濬猷澮距川。是洩田之水。以除害也。不然
如今六七月間。淫雨積潦。行路不通。禾苗淨損。豈細故哉。但不
必多耳。

教

武備第六

平書曰人知周之尚文而不知周之尚武大司馬春振旅而蒐
 夏蒐舍而苗秋治兵而獮冬大閱而狩其教戰之法甚備顧以
 田為名者蓋商周之得天下俱以武而周有甚焉周公恐其後
 之殺伐是尚也故為之禮以柔之不存其名而存其實使人但
 習於禮而武備已無不修此聖人之用也李剛曰習而安焉
 且使之以知武之勇戰皆禮也所勞不可去者也以武一人不
 教則以武之勇戰皆禮也所勞不可去者也以武一人不
 大閱而其事之明習非在是故獲獸以飲之武備者何其密
 教則以武之勇戰皆禮也所勞不可去者也以武一人不
 數軍而昭昭之事之明習非在是故獲獸以飲之武備者何其密
 何其精以周宣公之明習非在是故獲獸以飲之武備者何其密
 所重哉後世君如大明而宣宗德如吳登兵濟亦知此意而木
 有定制矣晉武梁武欲偃兵不用意難仁而為將矣夫井田
 而利復矣動武武武武武武武武武武武武武武武武武武武
 無敵之兵既已無人非兵而無時不習豈後世石文左武者
 寓兵于農既已無人非兵而無時不習豈後世石文左武者

所可比。衛靈公問陳，而孔子不答者，非謂軍旅之事不當學，以
衛靈所急者不在是耳。後世儒者遂以孔子為口實，謂為國者
宜文不宜武，且兵民既分，而右文之世，武備懈弛，儒以兵為諱，
士以武為恥，兵冗而弱，情而驕，靡餉則有餘，禦武則不足。一旦
有事，則督之以腐懦之書，生將之以庸劣之武，弁以致盜賊橫
行，生民屠毒，而宗社隨之，豈不悲乎！然亦不必如古制，盡人而
兵也。盡人而兵，必盡人而練，盡人而練，則法繁，盡人而兵不能
盡人而勇，不能盡人而勇，則不精。有議故但當選募武勇，以為
兵，授之田，使耕而食，而以農隙訓練焉，則兵可精而無處非兵。
朝廷又無養兵之費，法無善于此者。如下縣設兵五百，中縣八
百，上縣千，要縣二千，小郡三千，大郡五千，州藩萬，大約州藩設
兵合六七萬，七八萬自足以制盜賊，威四裔矣。凡民十六歲以

上皆可募授田亦如農但無徭無口算而公田所入即為軍之
費耕獲仍督以農官之五十年退另募之不世為軍無老弱之
弊及清軍勿軍之擾也募皆其土著非烏合無逃亡之憂叛亂
之虞也每歲以三時之隙教之習射習擊刺冬則教之戰陳比
其藝而賞罰之尉教其縣之軍別駕教其郡之軍州藩司馬教
其州之軍藩之軍州藩不設以縣干人備云而別駕與郡守間歲
一閱其縣之軍以尉之殿最司馬與州牧藩王及巡方御史
三歲一閱其郡縣之軍以尉之殿最司馬與州牧藩王及巡方御史
田獵又有習豈尚有練之軍乎士之習兵法者為尉為別駕
為司馬而不知兵之州牧藩王無不知兵之御史宰相豈
尚有腐儒書生之為督庸劣武夫之為將者乎或有草竊則縣
令縣尉便宜發軍捕之聞于上不亮而後郡發軍又不亮而後

取合命不備一疾宜不馬幽州
之兵大強不周三發得奉軍藩
易計司之之虞大萬軍揮州乃
耳之馬或禁旅四將募之京師
所之凡或左無不一周大營以
謂師軍之出多所過給二萬
枝固軍之少所過給二萬
強不之出多所過給二萬
而少之出多所過給二萬
幹也所過給二萬
更所過給二萬
強過給二萬
不給二萬
必食不待
弱枝以待
以轉州
強幹也
釜魚
研獸
藩乃發軍大警非大發軍不可者則天子遣使合符以發郡
台符制銅虎符半留于朝半與州牧藩王多寡聽其用司
以制制司馬然發郡縣軍而無符台符州牧藩王亦
惟邊警則便宜發軍不待符其左右藩亦
分其勢或乘間以搗其虛茂不克矣天子禁
吾羽林歲直二千八百人備不虞五歲而
十萬募之畿輔在後歲直三萬人
教之畿輔大郡兵倍于外郡無
周大司馬教之畿輔俱大郡兵倍于外郡無
司馬領將軍印用舊帥京軍督其四面州藩
或左右司馬領將軍印用舊帥京軍督其四面州藩
無不強之京軍無不強之畿輔俱大郡兵倍于外郡無
禁旅無不強之京軍無不強之畿輔俱大郡兵倍于外郡無
或左右司馬領將軍印用舊帥京軍督其四面州藩
或左右司馬領將軍印用舊帥京軍督其四面州藩

官與吏仕與學文與武之不可分。竄繩皆同。愚見獨兵農分為
二。稍有可議者。兵不出于農。而以召募則為兵者必多。游手獗
紳之倫。久則暴視閭里。恣睢誰何。為農者絕不預兵。則必魯頓
興。怯卒有變。即不可支。如明季士不知兵。民不習兵。有一冠至
千百。駭走呼之。踴而待戮。駢首俾刃。至終無一敢逃者。可不為
之大哀乎。況既已均田。則家皆有產。出兵為易。何不效古王之
田賦治軍。而乃曰不必盡人而兵也。盡人而兵。則不精。周禮小
司徒均土地。以稽其人民。上地家七人。可任也者。家三人。中地
家六人。可任也者。二家五人。下地家五人。可任也者。家二人。凡
起徒役。毋過家一人。以其餘為羨。惟田與追胥竭作。夫田與追
胥竭作。是盡人而兵矣。然家尚留其半。實未嘗盡人而兵也。且
起徒毋過家一人。更未嘗盡人而兵也。諸侯三郊三遂。以及都

鄙家出一人當有七八萬卒而春秋如魯之大國不過二軍三軍止用三二萬人更未嘗盡人而兵也而乃憂盡人而兵不勇不精乎然雖不盡人而兵而無不習兵之農家誠所謂野人皆干城也又曰不能盡人而練也盡人而練則法繁夫正卒之缺無論矣但論羨卒田之竭作冬月以獲禽也追奪之竭作倉卒以捕盜也獲禽則人樂為捕盜則人各保其身家願為使人躑躅鼓舞而即以訓練矣何妙如之豈後世演武場中故事哉而仰繁之有今擬制田能行必宜寓兵于農以下縣計之田一萬二千頃為戶二萬家設兵五百當四十家出一兵而郡藩之兵亦出千縣大約二千家公選一勇加者二十歲以上為兵五十退之別選一家八口三千家共一百二十口除老弱婦人三十之少壯者五十人而出一兵則五十二人皆羨卒矣正卒

為官與此器機二和家成應之五官卒義一
 百家以養之無事則業其家之農有事上成出征皆領下官
 定以教鄉巡三月試其射與擊刺火器有隙隨時教試之無算
 鼎神冬小至鄉祭之戰陳比其藝而賞罰之即以禽以賞罰
 多以為鄉巡殿最郡別駕教其郡之軍藩司馬教其藩之軍亦
 以三時冬小兩別駕與郡守司馬與藩侯御史聞歲三歲冬閱
 其郡縣軍如平書成下縣者歲百人共捉賊捕罪夜分班巡城
 可之快捕成小郡者歲三百成藩者歲二千皆出于各縣一歲
 一更其餘羨卒高鄉兵鄉一巡十保長保十甲首甲十家共千
 家每家出一人餘人為羨鄉外濬壕即壕大築墻十內立四門千
 一鋪每夜火夫五人共二十人執更傳鑼鄉兵每夜十人一牌

二○鎗○二○刀○二○弓○矢○二○鳥○銃○甲○首○飾○之○每○夜○十○人○巡○更○保○長○間○巡○
之○巡○又○間○巡○之○鋪○巡○更○量○其○邑○門○有○盜○至○則○舉○信○炮○信○火○本○辨○
兵○卒○皆○起○半○守○半○捕○隣○鄉○縣○尉○聞○炮○望○火○炮○以○盜○之○傳○達○于○縣○火○
皆○來○救○捕○其○教○錄○兵○也○以○巡○而○縣○尉○問○一○試○之○亦○于○季○冬○隨○官○
軍○團○田○為○有○若○曰○百○姓○足○不○君○孰○與○足○百○姓○足○君○孰○與○不○足○吾○
則○曰○百○姓○不○強○君○孰○與○強○百○姓○強○君○孰○與○不○強○但○萬○一○不○能○均○
田○則○祇○可○如○崑○繩○召○募○之○法○而○益○以○鄉○兵○亦○可○也○
鄉○射○又○有○習○句○似○誤○古○鄉○射○之○禮○所○以○詢○眾○興○賢○也○非○以○練○兵○
當○云○鄉○巡○又○有○教○
周○禮○徧○國○出○兵○而○六○軍○三○軍○乃○但○出○之○近○國○之○鄉○又○載○師○任○地○
國○宅○無○征○園○廛○二○十○而○一○近○郊○十○一○遠○郊○二○十○而○三○甸○稍○都○鄙○
皆○無○過○十○二○凡○賦○稅○近○重○遠○今○乃○知○其○立○法○之○善○也○蓋○京○畿○之○

地蓄兵必多。隨天子警蹕，後必繁。若必以各藩之軍分番入直，則如雲貴，當遠數千里，重滋煩擾，究難濟用。是必環京州縣，農田此兵，倍于在外，乃可餉給。且不特此，今廟堂有大工，大役率雇役給直，然惟田不井，授民多溢，故呼而即應。若分田給宅之時，安知重去難欲，貢天安所得之勢，必仍派近畿之民，即與之雇而巳，傷其農業矣。宜細為酌量，近京兵多役重者，或二十取一，藩郡或二十取三，皆可也。

平書有武備第六，下一篇論步兵、騎兵、車兵、火兵、水兵、隊伍之制、器械之用、戰陳之法。予謂此當與禮儀、樂律、農務、水利、射御、書數、神工各有專識。平書但論經制，不及詳其目也。故置之別錄。

財用第七上

平書曰九疇之八政一曰食二曰貨則貨財原上下所恃以而
財而國家不可以或無者但貨財所以權穀帛之輕重而通其
窮非為一人之私蓄也理之不得其術則公私皆困苟得其術
則公私皆利至于公私皆利豈非聖人之道乎古之征民者三
曰粟米曰布帛曰加役未有征貨財者貨財率出之商賈雖周
禮以九賦斂財賄鄭玄謂以口率出泉註錢亦即漢之口算近
之謂之下銀終非出之田畝唐宋始于田畝有輸錢之令然猶
與穀帛並徵無專輸錢者自正統元年改南直隸江西田租為
折色後遂通行之天下而正供始盡變為銀夫唐宋未嘗盡令
輸錢而白居易張方平諸人猶痛切陳農民之害况盡折為銀
而農之害可勝道哉不特農也倉廩處處空虛一有水旱之災

而賑濟無所出矣。一有師旅之役，而轉輸之費，百數十倍而不
可省矣。納粟勸輸，一切之政，紛紛四出，而弊且流於後世矣。害
可勝道哉。然當日政尚寬大，未嘗以聚財為事。徵于上者，旋施
于下，而朝廷之積貯，顧無多。乃不知理財之道，耗散無窮，而生
息少，以致末年中外交誼，軍興用乏，不得已而括餘財，又不得
已而議加賦。至括宮中銀器以充餉，崇禎末年，曾以宮中銀器
有銀作局三字，相傳城內。夫正供盡變為財，貨天下既就
時有銀十餘庫者，妄之。此非所謂不得其術，則公私皆困者
乎。故吾于田制，欲悉復古法，特取公田之穀，而戶第紉布帛數
尺，丁錢百文，房租大者每間二百，小者百文而已。科地而令中
則不能盡公，不如聽人私相賣買。至生財則更有道焉。錢法一
建法一收其房租，而鈔法必不可行。錢法今已大壞，宜用隋文開
鹽法一商稅一而鈔法必不可行。錢法今已大壞，宜用隋文開

皇○之○制○盡○銷○舊○錢○懸○新○錢○為○式○不○如○式○者○漢○司○市○不○合○者○不○得
 子○者○林○私○鑄○者○誅○其○錢○分○大○小○以○權○子○毋○以○黃○銅○高○小○錢○每○文
 重○一○錢○五○分○一○貫○九○斤○六○兩○稱○以○青○銅○兩○大○錢○每○文○重○二○錢○一
 貫○十○二○斤○八○兩○隋○五○銖○錢○一○兩○稱○以○重○四○兩○唐○開○元○錢○一○貫○十○斤
 今○錢○乃○重○唐○一○倍○兩○倍○有○餘○乎○衡○固○三○倍○于○古○然○視○今○猶○重
 今○日○銅○錢○不○如○此○則○私○鑄○盛○行○難○于○禁○也○然○小○錢○一○貫○直○銀○一○兩○一
 兩○其○鑄○也○約○費○銀○七○錢○是○以○七○錢○為○一○兩○也○大○錢○一○貫○直○銀○二○兩○一
 兩○其○鑄○也○約○費○銀○一○兩○二○錢○是○以○六○錢○為○一○兩○也○上○下○通○行○上
 之○施○于○下○者○皆○以○錢○惟○買○銅○則○以○銀○而○他○稅○願○輸○銀○者○聽○則○種○權○操○之
 亦○以○錢○惟○鹽○買○之○官○則○以○銀○而○他○稅○願○輸○銀○者○聽○則○種○權○操○之
 上○而○下○固○無○所○損○也○若○民間○交易○以○其○有○易○其○無○者○古○制○也○何
 不○可○行○之○後○世○令○民○各○以○錢○計○其○物○而○論○質○以○相○易○然○欲○以○錢
 者○聽○錢○亦○可○以○並○行○也○但○不○得○以○銀○為○交○易○如○太○祖○之○禁○耳○錢

登百貫。上方許以銀折下。無此端。用錢。惟納官錢。如此。則銀歸于
上。而悉化為錢矣。錢之利如此。私鑄何以禁哉。曰。禁之令固欲
其嚴。而所以禁者不在令之嚴。在制之善。銅練欲其精。錢式欲
其美。銅精而式美。則私鑄自不能及。而可不行。且夫聖人之治
天下。公而已。不但公之天下。且公之萬世。故錢有鑄。無廢。錢曰
如用。曰足。而民曰富。後世鑄以年號。而私為一人之物。以至祖
父之錢。即不用。于子孫。于是銷毀無時。工費日廣。錢益少。而私
鑄行。若仍古不鑄。年號使世世不廢。但鑄永寶二字。于其陰。為
周郭如五銖式。陽則否。而磨如鏡。比京錢也。州藩亦得鑄錢。而
陰亦為郭鑄。其州藩之字。如今式。別無為賞罰。其鑄一錢。世有一
錢之用。天下何患其不裕哉。鹽法至今亦大壞矣。然不必復納
粟中鹽之例。有議但一遵唐劉晏之制可耳。其法于出鹽之鄉

置鹽官收鹽戶所煮之鹽轉鬻于商人任其所之自餘州縣不
復設官其江嶺間去鹽遠者轉鹽貯之或商絕鹽貴則減價鬻
之謂之常平鹽官獲其利而民不之鹽始江淮鹽利不過四十
萬緡季年乃六百萬緡由是國用充而不困若使大司均歲發
部引於產鹽州藩州藩使司均之商人納銀請引以領鹽
每引鹽十石鹽場則郡節史主之場設一員于募人為鹽戶統籍
于使煮鹽以餘煮或販各因地宜亦分區買以官價每石錢
折與之者而按引發商聽隨地鬻引得鹽後即于義終徽于
貨部以便稽勦凡引日注領者姓名鈐印以商無定
日凡徽于鹽則出批某引必注徽亦鈐印以商無定
所鹽無定商而無鹽處亦用常平鹽法盡除今日之弊則上下
交利而商民俱便矣李剛夫以管子興魚鹽利盡歸國今則大
端亦不許食以私問益私鹽罪而民莫有引多而縣不能銷

者則接戶勒買而民益病矣。若不食者商則潛私益。隱
稅而國亦病矣。至于商稅如錢出以銀入朝廷回得倍利而
商亦病矣。蓋出以二入以三以錢出以銀入朝廷回得倍利而
商子引價外所費每引多不過五六百錢但鬻五六貫而利已
厚七八貫而利且倍而鹽不為貴也。故曰交利而俱便也矣。且
一切商稅俱歸郡州藩除文費積貯而後上。然此則另籍之盡
歸其息于京師。歲計天下所獲應不下銀數百萬兩。足供朝廷
經費有餘而他稅皆其餘焉者矣。

大學所謂生財生眾食寡乃指農事箕子八政之貨統金玉布
帛等物而言。今崑繩所論財貨專指銀錢義微不同也。

金刀之制先王原為救荒而設。以後遂踵行之。以其費輕致遠
為易移天下之具也。如不為齋輕而致遠衣食之計焉。所用之
乃後世徵糧盡折銀錢則弊有不一而足者。民所力者粟布而

官所責者金刀勢必賤鬻其物以充官入故諺有曰豐年病民
 夫凶年不免疾痛所樂者豐年耳乃豐而反病則農尚有樂時
 乎于是富商操其奇贏以至沾泥塗足者無升斗之儲逐末者
 千箱萬倉坐年厚利一遇凶急乃出之以制農民之命此病民
 也官吏之俸皆以銀夫銀可卷懷而藏錢筭而積也而貪官污
 吏比比矣若出入皆以粟不能貯兵山以取敗耶此病官吏也
 兵餉以銀遂致糶亦多必隨和而耗而庚癸之呼時時不免此
 病兵也一旦猝然有事兵馬蟻聚無教倉黎陽之積可以供給
 千粟運銀糶于一處米價騰湧至莫可問勢必餉當一金者費
 至數金數十金矣此病國也夫一隅收穫能支幾何兵不夙飽
 民且流已上下交憊無人治病矣昔有斗米七千餓莩滿道又
 有敵人圍城富家皆懷金握玉而死者非重銀錢而不重五穀

者之。前。轍。耶。

賦。用。木。色。而。復。教。民。勤。于。樹。藝。蓄。字。使。飲。食。取。于。宮。中。焉。材。木。

取。于。宮。中。焉。布。帛。取。于。宮。中。焉。以。至。人。情。往。來。令。其。盡。以。粟。布。

而。婚。喪。之。需。從。儉。從。便。務。取。密。通。所。有。者。盡。可。以。粟。帛。貨。物。相。

易。至。于。錢。與。銀。特。儲。之。以。備。流。通。之。具。耳。不。專。恃。以。用。也。如。是。

不。惟。民。業。日。饒。而。民。風。亦。日。進。于。古。矣。

房。租。一。間。二。百。太。重。可。徵。周。禮。園。廛。之。征。房。聽。其。自。蓋。而。每。畝。

一。年。徵。錢。不。過。二。百。可。也。若。住。官。屋。者。則。如。分。民。篇。每。屋。錢。一。

百。文。司。市。以。中。士。為。之。

明。代。問。中。之。法。令。商。輸。粟。于。邊。兩。鹽。場。給。之。鹽。以。貯。之。其。後。商。

人。遂。募。人。屯。田。于。邊。邊。以。富。饒。至。葉。淇。而。壞。此。可。與。劉。晏。之。制。

並。行。原。無。翻。語。何。為。廢。之。

李燾論鹽之產于塲猶五穀之生于地宜就塲定額一稅之後
不問其所之則國與民兩利又曰天下皆私鹽則天下皆官鹽
也此正劉士安之遺意

商稅則盡變從來之法而別為制今之所恃以征商者權算耳
 稅日增而無所底百數十倍于舊而猶不足官吏如狼虎搜及
 絲忽之物而無所遺商旅之困敝已極其為暴不幾殺越人于
 貨哉宜盡撤之以蕪天下而通其往來其征之以分行商坐商
 坐商也縣同給以票印令與同書其姓名里籍年貌與所業何
 姓註其本若干但計其一分之息而取其一如錢一百貫為一
 其一年所得十二釐則取即註于物票鈔以印而還之如本增
 減則另給改業亦另給行商也亦給以票如坐商但不計其息
 惟本一貫則納百錢任所之驗其票于彼縣同註日月而退有
 大顯商賈所集而去城遠營所販司市評之幣已乃計息而納
 者則專設一鼎稅路費俱作本亦註之票鈔以印而還之僅足
 其什之一除之餘者為息亦註之票鈔以印而還之僅足

本者則免其稅預計其不足本者則官如其本買之惟取酒與不在此
例使商無所虧其本者便商也貢則減價以賣又便民也而官
又收其利也若欲販他貨者則另予以其縣之票而取之如本
縣焉其有欺隱固可按其數沒其隱而懲也官士有通同為奸
罪而加以罪此旁人告者賞商至于坐商者有匿其本不以實
自首者勿問而治官士之罪者奈何曰有道焉使之自不肖隱不待立法以防之也分商為
九等本不足百貫者為散商弛其稅行商不足五十貫者亦弛
其稅有議在後若本一百貫至九百貫為下商而一百二百三百為
下下四百五百六百為下中七百八百九百為下上本一千貫
至九千貫為中商而一千二千三千為中下四千五千六千為
中中七千八千九千為中上本一萬貫至十萬為上商而一萬
二萬三萬為上下四萬五萬六萬為上中八萬九萬十萬為上

上者加行十萬上比上散商不得與九等附商亦不得與九等行立坐拜者赴官治以法衣則下商以布中商可細以綿絲上商以縐線乘則下商以礪中商以贏上商以馬奴僕則下商不得畜中商可一二上商可三四遠者治以法後夫欲勝者人之同情也分之等殺而限之制孰肯自匿其實而甘為人下哉且勿問其商之大小但稅滿二千四百貫者即授以登仕郎九品冠帶以榮其身以報其功有以授銜者即與士商必按票計稅方許若竟欲捐納者不聽再滿則又增一級至五品而止雖父子祖孫相繼而滿其數者亦授也但三年不滿商則除其籍毀其票繼為者雖身亦不得論其前焉耳計其後票所納耳噫此虛銜也又無祿名器不濫國帑不靡去賣官鬻爵者不萬萬哉若夫行商

之本。但以其出所挾之數為之等。雖外營數倍。他縣不得易其
 等。必反其縣而後視其等以益之。其稅滿二千四百貫者。授職
 與坐商同。夫商賈不得齒于士大夫。所從來矣。使其可附于縉
 紳也。入貲為郎。且求之不得。又肯故瞞其稅而不得出身以為
 榮哉。所謂不待立法以防其弊者此也。且夫商稅從來論物為
 輕重。吾欲不其然也。然亦有論物者。鹽茶酒烟而已。鹽者官賣
 之。商故與他物異。及其販也。無不同。茶者舊所重。則計其一分
 之息。而取其二。酒者前代所禁。宋且官賣之。今通行于天下矣。
 禁之。或官賣之。恐滋擾。則計其二分息。而取其十之二。如本
貫計息二分。一歲可得二百。至于烟。當在所禁。然徧天下人皆用
十。四。計。則。取。其。日。貫。八。百。至。于。烟。當。在。所。禁。然。徧。天。下。人。皆。用。
 之禁之。難。惟士大夫可禁耳。士大夫一。用。即。稅。為。庶。人。而。計。用。
 而其稅也。不計其本。不計其息。但用今法。其販也。每斤納錢五

文其賣也每斤納錢十文且非不可田之地不許種烟而又重
 其稅則鬻者少鬻者少則貴貴則人不能買久之庶可絕矣凡
店租戶漁戶車夫驢夫 嗟夫重本抑末之說固然然本宜重末
鹽戶樵夫俱入商籍
 亦不可輕假令天下有農而無商尚可以為國乎故吾欲於建
 官之法去吏部晉冢宰為相國以總庶務置大司均以備六卿
 貨財者與食並重者也烏可置之六卿之外乎夫商稅悉納于
 縣縣同主之設司市理之士也無定員以縣令總之台口算戶
 稅市麻房租商稅上縣歲入可十數萬中下縣亦應數萬由縣
 而郡而州藩各除其支給積貯而上供于天子應不下數百萬
 此但取士任官得其人而忠信重祿使之重廉取輕財利尚名
 節鄙貪污而又有嚴刑以懼其後固無慮侵漁之弊又何必鯁
 鯁然與臣較錙銖歸其權與利於胥吏如今日哉歲計之已有

餘歲計之寧不足而又為之崇節儉而又為之省浮費十年之內入將不可勝窮天子富于上州藩郡縣富于下時施恩于天下謂薄賦百姓將日富而不知天子以四海之富為富四海無人不以天子之富為富故吾名貨部為司均均也均上下均貧富均有無均出入也孔子曰不患寡而患不均不患貧而患不安蓋均無貧和無寡安無傾

初疑商賈計本取稅似瑣瑣與民爭利又泉貨似當如古寄于

農曹不必專部即冢宰別為相府而但留五部如漢後稱五曹

五尚書者亦未為不可既而思孟子曰市廛而不征廛即周禮

廛人掌斂布帛布總布質布罰布屨布而入于泉府則古之商

賈原自有稅今世如牛稅馬稅魚稅斗斛稅稱稅布當稅等各

有雜課但或本小利微者有稅而千萬封殖放債出入者反無

稅則不均舊例漫承不復劾查而吏胥又上下之則不清至于
權關之暴又三代所無則平書所言固可酌而行矣

行商計其本有息無息不足本者官買之雖亦周禮遺法然後
世行之法煩則弊易滋未必惠及商民反以擾及商民或亦如
坐商計其一分之息而取其一他無問可耳

行商似更勞于坐商矣乃坐商足百貫方起稅行商足五十貫
即起稅何也或皆以百貫為率也

至治之世民自不貧亦不甚富農不得由連所陌商何得獨有
薄金以至十萬金以上者乎乃立之以上之名而極其數以號
之是招以貪冒也布帛菽粟不必萬金始可買遷萬金十萬將
必化居遠方難得之物以相侈耀是長靡也一品之祿合米錢
布帛大約不過四千金商乃有萬金至十萬貫以上者是令其

僭越而無等也。今宜擬為一百貫至三百貫為下商，四百貫至
六百貫為中商，七百貫至千貫為上商。語云：千金之子坐不垂
堂，商而至千金為本亦極矣。過千金者加稅一之三，過萬金者
沒其餘，販鬻淫巧及異方珍奇難得之物者沒其貨而稅滿千
貫者即加以冠帶。然亦必素類孝弟而無暴橫欺詐行者始可
加。不然商獨嗜利厚蓄，豈所以平天下哉？
商仍當如愚前說，不使有僭。俟加虛銜後，以品之僕僕之。蓋僕
不禁不限，則富商墨吏將有僕從至百千人者，不惟長斥勢必
加戶部田以為兼井而加田部產之法亦從此壞矣。
鹽之販也無不同，向不明鹽官物而賣于商者也。雖轉販他所
似不得更有稅矣。
州少有知者亦知其無益禁之何難而妨田傷農禍實非小直

厲禁之耳

末不可輕。崑緹為財貨起見也。然商實不可重。何者。天下之趨利如鶩矣。苟有利焉。雖輕之而亦趨也。豈憂商賈之少而無乎。夫商有利亦有害。想遠有無以流通天下。此利也。為商之人心多巧。枉聚商之處。俗必淫靡。此害也。抱璞守朴。不相往來。固不可行于今日。然即鄉里交易。比省通融。儘可豫樂。何事遠取。如今天下出產最少者。無如北直。然有米有麩。有魚有肉。有酒有蔬。有米有布。有絹亦有紬。有材木。有櫃箱桌椅諸器。何不可以供居食。畢婚喪者。乃必吳越閩廣之紗緞珠翠。綾錦象箸漆器。燕窩。橘。荔。東洋西戎之貨。萬里遠鬻。傾囊充陳。導靡長奢。則皆商為之也。然則貴石粟賤淫技。重農民抑商賈。以隆教養。先王之良法。遠慮不可不考行也。

河淮第八

平書曰南方之水利不必言矣北方苟如吾制田之法溝洫開
改塘作水道通亦不必言矣所慮者河淮耳河自宋南徙吞淮
入海近代遷徙無恒為害日甚然河雖為患而淮無恙也今則
河淮交橫上以阻漕下以病民歲靡金錢數百萬而終不得其
理其故何哉固在任不得其人治不得其法而其本蓋由于意
在通漕不在治水有雖拂其性而不顧者故治之之道先在罷
漕漕可罷乎都若定于天中貢道可四面而達不必借于今日
之漕即不然而北方水利既興收穫多亦無借于今日之漕再
不然而或招商或海運今天津歲有海船自福建販貨無不可
辦亦無借于今日之漕罷之無不可也漕罷而後可以因其勢
因其勢而後可以施其功河之所以為患者以多沙淤而治之

者率築堤以防于地之上勢迅悍而下流壅則橫決四出屢塞屢決無怪也淮之所以為患者以河奪清口而入漕致清口淤而淮不能出清口乃淮貴淮不能出則洪澤湖漲溢溢于寶應高郵諸湖洪澤湖淮之所匯淮安在其東四十里高郵掘其東漕漕與高寶湖不一堤之隔亦無怪也夫淮襄不為漕病者以河未嘗病淮而淮之力且足以刷黃耳今淮既為河所病河不得淮之力以相刷而益為淮之病則淮焉得不因河之病而亦以之病漕哉吾見近代治河之臣惟祖崇伯陸水之術而儒者治河之議率不出賈讓上中二策之言夫陸水之害固人所共見而讓策之在今日亦不過為空言何也讓所謂決黎陽遮害亭放河使北入海者欲其循故道以入海耳非聽其橫流而莫為之制也今既趨于東南平坦之地去故道數千里豈徒

空其地以予之使之泛濫無束而遂能治者乎多穿漕渠以分
殺其勢似矣乃每開一支河未有不旋開旋塞者豈得如禹之
播為九河而萬世永賴者乎然則所謂因其勢以施其功者將
何在孟子曰禹之治水水之道也順其性而已矣順其性非縱
之也利導之而已矣請言治淮淮既不能北出清口則洪澤不
得不東南洩于高郵湖歸郵水之所及高郵湖不能受不得不東
潰漕堤而洩于下河乃海口不開而下河無所歸不得不旁溢
而為高賢興鹽數邑之患是淮之將趨東南以入海而不復由
故道者其勢矣然清口不與河通將無以濟運也則不得不挽
之使北挽之使北不得不塞翟壩周開趨高郵之路乃水大而
清口不能出近日清口雖濬而淮亦不能出者以三十年前河
法歸仁堤入洪澤年餘未致湖身淤淺不能蓄水
故水大而清口難洩又不得不放之以除高堰之危高堰傾則於歲朝塞

夕決顧此失彼曾無終日之計皇皇焉苟倖濟一歲之運以延

一日之命而將來惟聽諸天民患將何極耶若漕運既罷竟塞

清口不能河通而悉開海口海濱有范公堤南北亘三百里宗

范仲淹築以捍海潮者處處有水

門門向內開湖來則閉以障湖水湖退則開使下河有所歸而

以秋湖水民甚便之近則水則寒故无海口因下濟之以為渠因高築堰以為防岸不拘廣狹但固高為竟引

高郵湖水使東入海盡開翟琪周閭使入高郵湖因其勢而導

之淮安流而得其所水有所歸自不橫溢誰既得其所則淮揚

之間皆沃壤矣于是治河夫禹之治河所以千數百年無患者

全在播為九河同為逆河入于海也天下之水莫大于河然由

積石而龍門由龍門以至大坯功猶易何也以有高山大陵

束其外也自大坯而北皆平陸矣其受水又十倍于上流矣禹

乃播之為九以分其勢勢分矣又恐其散漫無所束復合之為

一使河入海分之而其勢分合之而其力又合上下俱合而中
 則分既無難治之憂又勢均絡貫無此通彼塞之患於戲至矣
 非聖人而能若是乎自齊桓公塞八河以擅地利不百年遂有
 殞磔之決則九河之利不待智者而後明而後人可知所從事
 矣若北方之水利既興上流之水將減其半而下流則復九河
 之制測量高下度近海河決必趨之坦開河道十數有舊渠可
 因者因之約長百里而首尾合為一者則寬十數里約占坦三
 十餘里河面寬二里許深數丈俱如一積土兩岸以增其高每
 道相去可三里數以開河而後雨積之而岸若從中開則不便矣
 又應自下流節節開而上則雨積之而岸若從中開則不便矣
 陸世儀曰開河節節開而上則雨積之而岸若從中開則不便矣
 一十尺古法一過二半該十五丈一日之力即遠近高下少有
 不齊以此為準定河斜長若干丈而若干丈深若干丈底若
 若干丈共計若干牛以耕起土以筐車運土殊不力又曰黃河用
 施工可用四五牛以耕起土以筐車運土殊不力又曰黃河用

三壘二分兩傍之器既成乃塞河下流決之使入一入于此河由
長一定中心之器既成乃塞河下流決之使入一入于此河由
地中行矣勢同禹之舊績而永無潰決矣上流尚有宿堤為回
者亦用此法別開一渠決使由之而無不由地中行矣每年疏濬
江龍鐵掃帚水利興河淮治地平天成不再見乎然此功殊不易
也必在上者有定識有定力在下者無顧忌無阻撓以十年為
期而即捐以十年修築之費然後功可望其成耳顧此與吾田
別諸議皆氣運所關豈人之所能為哉存此說也俟之而已
黃河自關中而東合涇渭漆沮汾沁伊洛澠澗諸川數千里之
水夏秋霖潦浩瀚無極而謂水利既興上流之水將減其半恐
未必也况自古北方水利如涇洛漳滏諸水無用黃河者惟郭
守敬曾言自孟州西開引少分一渠徑由新舊孟州中間順河
古岸下至溫縣南復入大河而他無聞蓋河水泥沙強半壅渠

塞苗難以成功故古人不敢輕用也

從來論治河者皆主分惟潘季馴主合其言曰河流分別水力小而沙停故易淤河流合則水力猛而沙行故不泛此亦身親閱歷之言也況禹之九河分水原在北方今倣之南方則土性地勢可行與否未可猝定萬一重費開鑿河成而水不就即就而旋填塞不徒勞乎以後世每開支河旋開放淤不能如禹之播為九河平書亦自言矣今宜先審地利查知水勞者相其原隰若趨下順利可開八九則如平書所言開之而歲設常夫若干名濟之使分流勢弱者亦不得停沙上如其地勢不可支分則倣季馴遙堤縷堤之制河身欲寬隄岸欲固而堤之外復兩旁各留一河身之寬為開地而更築堤其外其河身則歲用利器濟之務使深通下海之雲梯開於葦皆剔務使潤厥夫漕不

牽逆淮復別流則河無所擾如此亦可以奏安瀾矣四次也
海運必宜復不惟通漕兼可於其中習水戰以防海寇也

刑罰第九

平書唐虞三代之五刑墨劓剕宮大辟自漢除肉刑遞輕以至
隋唐而迄于今遂為笞杖徒流死世愈降刑愈輕而愈不足以
治天下蓋明刑所勸教不嚴則人不畏而犯者多不簡則動觸
法網而犯之者衆夫寬而繁至陷獄不可勝窮嚴而簡以至干
刑措果孰得而孰失乎孟子曰欲輕之於堯舜之道者大狃小
狃也欲重之於堯舜之道者大禁小禁也漢文雖仁猶道而已
矣然議復肉刑于今日不但致愚人之怨而不學無術之徒必
且詳然謗議然于沮格而徒為之擾惟仍以今之五刑為律但
去其煩苛增其不足別附肉刑數條以禁貪暴止淫邪而厲廉
恥使天下不得議吾之非庶存古聖人明刑之道而今行禁止
教化可大行耳今之律例纖瑣雜沓難以枚舉尤可笑者折杖

之法夫笞止于五十而六十為則杖有至二百者乃百杖以外人必死于是以徒折之杖一百二十者止六十餘六十折徒一年是以徒折杖以杖折徒以徒折流以流包杖紛紛增減又有收贖收贖又無定數是不足以言寬又不足以為嚴徒使有司茫然莫究而吏胥得因以為姦豈良法乎曷若杖止于八十更重則徒徒未有不杖八十或六十者是徒加于杖一等不必折也而又有一年以至三年五徒之別無不得其平也流重于徒而輕于死固矣乃徒有役流無役至遠不過三千里三千里外皆無樂乎注但不得歸耳即流寓耳較三年之徒役其勞逸為何如是流未嘗重于徒而其去死刑而不啻什百又可謂得其平者乎應以二千里三千里及烟瘴邊外為三等而終身徒役其地然後可謂加徒一等而僅輕于死耳若夫充軍之法則愈

認軍者國之爪牙宜鼓舞之優渥之然後可以得其心與力乃
以為罪人而出于徒之下人孰肯為之哉此武備之所以弛而
敵愾無人也是充軍一切罪條可削去也又如私鹽之法最為
繁密苟法劉晏無人不可為鹽商雖一引亦可買之官而賣于
民何以私為哉則私鹽一切之禁亦可弛而不設也輕重損益
以此類推務簡易明白使遵者知所辟宜然示如古制執者知所守
則舞文之弊自可去而明允之功何不可奏哉且夫肉刑之除
于今者剝削耳斬即大辟未嘗廢也且有凌遲之極刑也墨未
嘗廢但不列于五刑之內也至于宮刑不以為刑乃以為進身
之途不止于不廢也天下有罪不至于死而不可不重其法以
繩之者三一曰貪二曰賊三曰淫夫貪必贓至八十兩或一百
二十兩而后死一兩以下杖而已強盜劫財而后死不得財流

而已竊盜至三犯而后死初再刺臂不得財笞而已姦必強而

后死和與刁杖而已夫所犯原有輕重不得不為之等但笞杖

之後依然可以為人而猶得逞其姦即流之遠方何不更出其

身而乘間以為盜是皆廢因刑故耳若官士犯賊錢一貫以上

即墨面黥以而後計賊以科罪即不死而終身不齒于人矣強

盜之不得財者刑之竊盜之初犯者墨之面黥以再亦刑之不

可復為盜矣又可免竊盜賭博者盜之漸第罪以杖曷懲焉宜

斷其手初則右再則左不能復賭博矣官士犯者初刑姦者官

之和則婦人剝而刁則免官者不能復淫矣應論官士犯者再如

刑職加罪肉刑但設此數條以為貪吏盜賊姦淫之警使知罪

即不死亦不可犯犯則終身不得齒于人孰敢公行而莫之忌

哉如此則不復盡復肉刑而笞杖徒流之所不能禁者不待加

之死而無不可以立禁矣嘗考史記孝文除肉刑詔曰法有肉
刑三注曰剝黥斬趾是宮刑自在也厥後景帝又有死罪願腐
者聽之詔而司馬遷下腐刑是宮刑未嘗除也蓋寺人乃宮闈
必不可少者與其聽人自宮而進于上曷若設以為刑因取以
高用而禁天下之自宮不致無罪之人罹于刑之為善乎顏習
曰生不能除婦寺而除宮刑是不忍宮刑之入而忍宮刑之
之人矣若以官買而任民之願則又以利誘民而宮之也豈為
兵立君之意哉封建必復肉刑不封且不特淫刑也有罪入
吏亦後此刑惟為政者慎月之而已且不特淫刑也有罪入
于絞而情可矜者可宮以宥之也有流于烟瘴邊外而願宮以
自贖者亦可聽其願而宮之也開此二者以為寬宥之典而宮
闈不患無役使矣於戲刑非聖人之得已也盜賊姦宄非刑莫
能禁也荀卿有言曰世谷訓治古者無肉刑有象刑墨黥之屬
雖履赭衣而已夫治古人莫觸罪邪豈獨無肉刑哉亦不待象

刑矣或觸罪矣而直輕其罪是殺人者不死而傷人者不刑也
罪至重而刑至輕民無所畏亂莫大焉故治則刑重亂則刑輕
犯治之罪固重犯亂之刑固輕也象刑惟明言象天道而作刑
安有菲履赭衣者哉此知治之言也夫子產之治鄭諸葛孔明
之治漢非皆王佐之才乎豈其以殘忍為心也禮曰治亂國用
重典而婦人之不忍腐儒之好生皆不足語于聖人之道者矣
賭博初次即斷手大厲宜初杖之再斷右手三斷左手
明律禁私創庵院私度僧道亦明知僧道為異端矣乃有僧錄
道錄二司而僧道犯其師如犯伯叔罪是半明而半暗也禮樂
經世大道乃稱娼妓為禁戶樂人何也不禁娼而禁人宿娼何
法之左右袒乎且官吏有禁而民無禁豈農工商宜宿娼乎如
此等皆當釐而正之

禮樂第十

平書曰人有斯須之不敬則慢易之心生而非禮矣有斯須之
不和則乖戾之心生而非樂矣故禮樂之教不過使人無不敬
無不和自一家推之鄉國天下莫不然自一身推之父子夫婦
長幼親疎賓主上下莫不然事欲序而心欲純序者義也純者
仁也自天子達于庶人莫不相親以仁相接以義則所謂四海
之內合敬合愛將與天埒同其和節而兩開尊嚴萬物昭明風
俗移易天下安有不治者乎故曰鐘鼓管磬羽籥干戚樂之器
也屈伸俯仰兆綴疾徐樂文之也蓋簋俎豆制度文章禮之器
也升降上下周旋禘饗禮之文也曰器曰文皆末節矣其本不
在於仁義而仁義不在於六府三事之修和百官庶政之各得
其理也哉雖然器與文亦不易矣以言乎禮三禮五禮三百三

千百王之同異歷代之善否曷可勝窮以言乎樂五聲六律七
音八風清濁高下始終倫理尺度之短長製造之精致曷可勝
辨古之教人莫不禮樂兼備然以由求之賢不能以兵農兼禮
樂以禹益之聖不能以水火兼禮樂必欲盡人之相兼恐反不
能致其精故予欲于取士之法但使射御書數無不通而禮樂
則與兵刑食貨分科而專習夫專習者亦器與文而已若夫禮
樂之本則自鄉學縣學莫不合精粗本末而悉以教之蓋聖人
治天下之大經大法無不要歸于禮樂而君子不可以斯須去
其身焉得別為專科而不盡人陶淑其中哉且自鄉學教幼儀
縣學教成人之禮之外凡官士及鄉先生家有冠昏喪祭之事
則請司禮者主其事令凡為士者羣聚而觀之凡春秋之祀與
夫鄉射養老之典司樂者為之樂舞笙鼓令凡為士者羣聚而

聽之自然而郡而州藩而京師體愈尊禮樂愈備習之既久天下無不文以禮樂之士矣但禮制不可不定古禮雖廢禮經固可考而知以禮儀禮記雖不免附會不可信與可信而不可行于後世者然宏綱細目良法奧義聖人所以經緯天地者悉載其中但分見錯出而諸家傳注又雜然莫適所從故後代多苦其煩而莫之遵或遵之誤而失其制之本若分身禮衣食言家禮昏喪祭歸禮相則飲酒士周禮商朝聘之類各以類集而又類分于其中使條理井然其不可信不可行者缺之傳注之誤戾者州之歷代之制之可用者附之要歸于會典集禮而斟酌損益定為一代之禮自朝廷以逮草野等威儀節莫不秩然不紊而簡而易行古禮太繁者損之且時勢不同宮室衣服飲食亦多異尚可執其踰哉則可永遵而無廢矣至于樂則尤不可不考夫樂之不傳久矣樂記所存者

義耳而器與文無聞焉後世務聲俗樂日盛所謂雅樂者名而已然古聖因詩而作樂固以聲出乎人而律呂以正之金石絲竹匏土革木以宣之今日古樂雖亡而五聲不亡也六律不亡也七音不亡也金石絲竹匏土革木不亡也其所謂清濁高下始終論理者即俗樂未嘗不同也尺度之短長製造之精致何不可按聲而得之也天下之妙通音律心解神會于希微要眇之間而得夫不傳之秘者未嘗無其人也若講求知音之士按古調正中聲製樂器作樂章歌功象德自郊社宗廟朝廷以至一縣一鄉祭祀燕饗莫不有樂使聞之者心氣和平而化其暴戾所謂君臣上下同聽之莫不和敬長幼同聽之莫不和順父子兄弟同聽之莫不和親審一以定和比物以飾飾節奏和以成文以合和父子君臣對親萬民者豈虛語哉昔人謂禮樂百

年後其者指其化而成而言耳若立國之始舍禮樂不講將何以
為教子予于禮樂未之學也不敢不俟之君子也但為國者當
與兵農刑政相須並建不可視為不急之務而置之後圖者爾
按禮樂之數不一禮有盡人而習者如視聽言動以禮是也有
人人習之以待行者如冠昏喪祭士相見是也有自童子習之
者洒掃應對進退是也有習之必待入官而后用者如宗廟會
同之類是也其盡人而習者不分科者也其待入官而后用者
分科者也所謂大相小相是也若夫魯論之言復禮周官名周
禮則舉吾心之全體大用天下之五倫九經而皆可以禮統之
也樂有童年習之者如舞勺是也有學士大夫所習者如君子
無故不徹琴瑟名卿會遇則賦詩贈答是也有婦人女子亦可
習可聽者如房中之樂是也有天子亦與之者如周王冕而總

于漢高祖過豐沛作大風之歌自起舞是也若夫燕享祭祀君
舉飲射之樂則皆伶工之事肄業歌奏者也至于論易簡之本
出于天地尊中和之源發于性情究進反之用極于位育又無
人不薰陶其中不僅在儀節間也若冠昏郊廟之文五聲六律
之法則予別有錄此不具

士學禮樂射御書數之法已見取士篇至郡縣凡有冠昏喪祭
典諸宜用古法學士即與執禮樂事非徒觀聽也

俗樂亦有聲六律八音此言誠然所謂今之樂猶古之樂也但
其事衆邪操音調淫靡易之以正大清明和平則可以感神人
正風俗也

古人陳詩以觀民風即今樂亦可見也今辭曲皆好為男女誘
慕之言可知風俗尚淫矣事衆非狂喜則哀傷音節或靡曼或

急從可知人情之不靜不和易流思亂矣明嘉隆間太倉魏良
輔作為崑腔其聲舒長高亮不百年變而淫靡哀促非永鑿與

提要

平書訂一卷題曰吾李燦稿與與門人馮辰

校閱平書為大興王氏崑繩所作李氏此書

就王氏所作各篇末附按詞或引伸其所未備

或辨其建議之非即自序所謂教養之鉅不

敢苟同也目分十篇亦沿王氏之意王李學行

近多知者馮辰字炬天清苑人著有喪禮疑

問亦李則為弟故李以校閱屬之惜世無刊

本此冊得自日本東京抄胥尚鮮誌字評點

弗知出何氏蓋燕薊藏書家舊物云 附按記